



INSAIT

**Media Kaunsil
Eksektiv bung
wantaim UN
Komyunikesen
- P3**

**Dika Toua i kamap
embasada bilong
Vodafone - p24**



Gavman i aipas long Madang bagarap

James G. Kila i raitim

GAVMAN i no luksave yet long bikipela bagarap i kamap long rot, bris, haus, gaden kaikai na bisnis namel long Madang-Lae haiwe long Madang provins.

Bikipela bagarap i stap yet, haiwe i pas na no gat ol bikipela sevis namel long haiwe na planti ol haus em tait wara i bagarapim.

Tasol insait long K10 milien Praim Minista Peter O'Neill i tokaut olsem

gavman i givim tok orait long en long helpim ol provins i kisim bagarap, nem bilong Madang i no stap.

Wanpela mausman na eksektiv bilong Inlen Paipain Asosesin bilong Ramu Nikel Projek, John Koti i tok em I no amamas olsem Madang i no stap insait long K10 milien helpim gavman i givim i go long ol provins i kisim bagarap.

Em i tok planti handet pipel long Madang i lusim gaden kaikai na tu sampela haus em tait wara i bagara-

pim tru na tu transpot namel long Lae na Madang i stop.

Koti i tok ol pipel na komyuniti lida long ol viles na LLG long Usino-Bundi long Madang askim bikipela kwesten nau watpo Madang i no gat rilif o helpim mani long nesenel gavman.

Praim Minista Peter O'Neill i tokaut olsem ol 6-pela provins em dispela K10 milien helpim bai go long en em long Wes Nu Briten, Ji-waka, Sauten Hailens, Bogenvil,

Noten na Galp provins.

Mista O'Neill i tok olsem gavman i putim mani long helpim ol dispela siksipela provins bikos ol lain long disasta opis wantaim ol distrik na provins i skelim olsem i givim ripot bilong bagarap long gavman.

Planti lain long Madang i gat bel-hevi nau watpo, Madang i no stap long kisim helpim. Ol i kros tru long Madang provisaldisasta opis na tu Gavana bilong Madang,

I go moa long pes 2...



Bikipela bagarap tru i kamap long dispela eria arere long Aumia riva long Madang-Lae Haiwe, tasol gavman no luksave. Poto: James G.Kila



Air Niugini

www.airniugini.com.pg

EXCLUSIVE CARRIER FOR THE 2015 PACIFIC GAMES

3 TIMES A WEEK*

between PORT MORESBY & HONG KONG

More connections to Asia & Europe

*3rd weekly service commencing 30th March 2015.

Call Toll Free on **180 3444** or contact your nearest Air Niugini Travel Centre or Travel Agent for further details.

Gavman lukluk long sapotim 450,000 pipel long kamap miliena

Stanley Nondol
i raitim

Gavman lukluk long sapotim 450,000 manmeri long kamap miliena insait I5 yia aninit long nupela SME Kopresen Ekt.

Praim Minista em siaman bilong SME kaunsil insait long nupela SME Kopresen Ekt na ol planti gavman minista i memba bilong kaunsil, gavman i gat bilip long sapotim 450,000 manmeri long kamap papa bilong ol SME bilong miliena.

Minista bilong Tred, Komes na Indastri, Richard Maru i tok ol kantri i gat 50, 000 SME nau tasol ausait kampani i ranim moa long 90 pesen. Em i tok aninit long

nupela SME Kopresen Ekt na SME Polisi na Masta plen, lo yet bai rausim ol ausait bisnis na PNG sitisen bai tekova.

Mista Maru i tok gavman i lukluk long kamapim 500,000 SME namel long 2015 na 2030.

Em i tok sapos kantri olsem Malaysia i gat 50,000 SME bilong wanem na PNG i no gat. Em i tok SME em bai sapotim kantri long bihain taim na em tok tenkyu long O'Neill gavman long sapotim SME long kantri.

Mista Maru i tok PNG i bin pundaun long las 40 yia, 90 pesen bilong SME em ol ausait lain i kontrolim na ol pipel bilong kantri i salim buai, smok na i kisim taim long strit. Em i tok yumi no inap

moa salim buai na lukim ol ausait lain i mekim bisnis na kisim mani go aut.

Aninit long nupela SME Kopresen Ekt, SME bisnis bai ran long mak bilong K10 milien. Na dispela bai helpim planti sitisen bilong kantri long kamap milien wantaim sapot bilong gavman.

Minista Maru i tok SM em bikipela samting long kantri na bai em i presentim nupela SME Polisi na SME Sekta Masta Plen 2015-2030 i go long NEC na bai i go long palamen long mun Me taim palamen I sindaun.

Minista Maru i tok taim palamen i oraitim SME Polisi na Sekta Masta plen, bai opim rot bilong PNG i baim ol bisnis bilong ausait husat i

mekim bisnis olsem taka sop, taia sevis, haus kaikai, na ol liklik bisnis olsem.

Mista Maru i tok em i tok tenkyu long Papa God long gavman i sapotim dispela lo bikos ol pipel bilong kantri bin stap tarangu inap 40 yia na ol ausait lain i kisim ol bisnis em ol PNG sitisen inap long mekim.

Mista Maru i tok rot biling baim bisnis lain ausait em gavman bai putim mani long ol Nesenel Developmen Benk na Pipels Maikro benk long sapotim ol pipel wantaim dinau long ol i ken baim bisnis ol ausait lain i ranim nau.

Em i tok ausait invesmen em gutpela tasol ol i mas mekim bikipela invesmen long wankain mak olsem LNG projek na ol maining na ol bikipela malti milien projek.

Ol welpam blok kisim taim

GAVANA bilong Wes Nu Briten Sasindran Muthuvel i wok strong long kisim helpim i kam long gavman, ol praivet kampani na ol arapela lain long helpim ol provins bilong em.

Wes Nu Briten i kisim bipela bagarap tru long bikipela ren na tait wara las wik. Tait wara i brukim ol bris na bagarapim bikipela rot na ol gaden kaikai na ol bisnis diwai olsem kakao na welpam.

Planti pipel i kisim taim nau bikos kaikai i sot na ol i no gat narapela rot bilong kisim kaikai.

Mista Muthuvel i tok ol liklik fama long provins i kisim taim nau bikos strongpela win na ren i

bagarapim welpam blok bilong ol na ol i no i no gat rot long kisim i go long mil. Em i tok ol dispela fama bai i no gat mani nau bikos ol i save strong long welpam prut long blok bilong ol long kisim mani.

Mista Muthuvel i tok ol fama bai i mas planim ol nupela welpam diwai nau sapos ol i laik lukim kaikai bilong en. Sapos ol i no planim nau bai ol i wet longpela taim na ol i mas painim sampela narapela rot bilong painim mani.

Gavana i tok tu olsem long planti blok i gat bikipela populesen na ol famili i kisim taim tru bikos gaden kaikai bilong ol i bagarap.

Hela Helt i mas kisim moa mani long gavman



Dokta Hamiya Hewali toktok long ol draiva bilong ol 7-pela nupela len krusa trak. Em i tokim ol, “Yu mekim wanpela rong, yu aut!”

WANPELA senia pablik sevan i mekim wanpela strongpela toktok long gavman i mas tingting gut gen long pasin bilong givim aut mani aninit long 2015 Baset bilong helt sevis long Hela Provins.

Hela Provinsal Helt Sevis Dairekta, Dokta Hamiya Hewali i singaut long gavman long Mande long taim em i givim 7-pela

nupela 10-sita len krusa trak bilong provins long mekim wok bilong helt sekta long Hela.

Dokta Hewali i tok Hela em i nupela provins na mani mak em i kisim i mas go wantaim mak ol narapela provins i kisim o moa-beta em i kisim moa long ol narapela. Tasol insait long tripela yia bilong dispela provins i kisim mani bilong

em yet, em i no lukim dispela pasin i kamap.

Em i tok, Hela Jeneral Haus sik we em i wok olsem Sif Eksekutiv Opisa (CEO) i bin kisim K100,000 long 2013, na K300,000 long 2014 na long dispela yia em i kisim K600,000 tasol sampela narapela provinsal haus sik long kantri i kisim moa long K10milien.

“Em i no stret,” em i tok. “Gerehu (St John’s Provincial Haus Sik) na Tari Haus sik i bin kisim wankain mak long 2014 olsem ol i kamap long Level 5 haus sik long kantri. Tasol Gerehu i kisim K9 million na Tari kisim K500,000.

“Mipela long Tari haus sik i gat 110 bet na em i provinsal riferal haus sik i wok long helpim 385,000

pipel. i no gat ol narapela haus sik long sapotim ol wok bilong mipela olsem Gerehu St. John’s i gat Pot Mosbi Jenral Haus sik long helpim na tu i gat ol bikipela praivet haus sik i stap.

“Mi laikim ol lida bilong mipela long politik i mas tok strong long gavman long lukluk gen long mani baset bilong Hela provins. Ol i no inap lusim tingting

long mipela olsem. Mipela i no ol lain i no gat nem. Provins bilong mipela i givim bikipela samting long nesenel baset aninit long mani bilong LNG projek.” Dokta Hewali i tok.

Em i tok Nesenel Helt Dipatmen i askim long K19 milien long go long Hela Jeneral Hausik tasol aninit long 2015 baset tasol em i kisim tasol hap bilong em, K600,000.

Planti pipel bilong Hela i stap long bus stret we ol rot bilong kar na trak i no save go. Olgeta yia, taim Dokta Hewai i bin stap long Tari Haus sik stat long 2011, em i save baim MAF balus inap long mani mak bilong K40,000 na K50,000 long helpim long karim ol lain i kisim sik nogut tru i go long haus sik na tu long kisim ol marasin i go insait long ol hap we i no gat rot long en olsem Maunten Bosavi.

Dokta Hewali i givim wanpela trak i go long Komo, Magarima, Pori, Tari, Koroba, na Hela Provinsal Haus sik na Hela Helt edministresen.

Em i singaut tu long gavman i mas hariap long makim wanpela Provinsal Edministreta long mekim ol wok bilong edministresen we ektim edministreta i no inap long mekim.

Long wankain taim tu Memba bilong Koroba Lake Kapiago, Philip Undialu i givim wanpela K200,000 sek i go long provinsal helt edministreta long mekim helt sevis long distrik bilong em.

Dokta Hewali i tok tenkyu long memba na em i tok promis long givim K100,000 moa long baset bilong em i go long Koroba Kapiago distrik.

Gavman i aipas long Madang bagarap

I kam long pes 1...

Jim Kas wantaim Memba bilong Usino-Bundi, Anton Yagama bikos ol lain ya i no toktok strong long painim helpim bilong ol pipel na tu long stretim ol rot na bris.

I no gat luksave na helpim i kam long Nesenel Gavman na Nesenel Disasta Senta stat long las wik yet i kam inap tude, olsem na ol pipel i no larim ol Woks Dipatmen lain long klinim na rausim ol

pipia long rot.

Ol komyuniti stat long Aumia i go olsem long, Kesawaina Asas i no larim ol Woks Dipatmen woklain na masin long klinim ol pipia i blokim rot.

Wantok Niuspepa i bin toktok wantaim Madang Provinsal Woks Dipatmen long asde na wanpela opisa i tok olsem ol i bin bringim masin bilong ol long mekim wok long klinim rot, tasol ol manmeri i no laikim dispela i

kamap bikos ol manmeri i bungim bikipela bagarap tru na nidim helpim.

Planti ol komyuniti lida i autim belhevi bilong ol olsem Madang Provinsal Disasta Opis. Ol pipel i no bin lukim dispela opis i go mekim wok painimaut long bagarap i kamap na putim ripot i go long Nesenel Disasta Senta na gavman i ken helpim Madang.



Ol haus arere long Aumia riva i kisim bagarap taim haiwara i kamap namel Madang na Lae haiwe. Foto: James Kila

Media Kaunsil Eksektiv bung wantaim UN Komyunikesen

MEDIA Kaunsil Papua Niugini eksekutiv bod i bin bung wantaim olgeta komyunikesen opisa bilong Yunaitet Nesens long PNG long Deloitte Tower opis long las wik Fraide.

Dispela em i namba wan miting bilong nupela MCPNG eksekutiv memba long bung wantaim wanpela ausait misin long kantri, bihain long AGM i bin makim ol long dispela mun.

Komyunikesen Speselis husat i go pas long dispela tim, Sipora Monier i tok em i gutpela tru long bungim ol memba bilong Media Kaunsil long lukim husat tru ol i wok wantaim.

Em i tok, Yunaitet Nesens Komyunikesen grup i gat bikpela laik long MCPNG i mas wok gut bikos i gat planti samting bilong developmen we UN nidim midia long wok wantaim long kamapim. Ol kain bikpela samting olsem ol Milenium Developmen Gol, Vailens Egens Wimen, UNDP, UNIFEM, UNFPA long populesen na planti narapela samting.

I bin gat olsem 9 o moa komyunikesen opisa i bung wantaim tripela eksekutiv bilong MCPNG, Alex Rheneey, Adrian Au, Frieda Kana na Eksekutiv Dairekta, Baluck Bonnie.

Baluck i tok klia long wanem wok bilong kaunsil na em i stap makim husat long kantri na ol MCPNG Eksekutiv i tok em i gutpela long bung wantaim UN bikos em i soim olsem ol dona na ol ovasis ejensi i luksave long MCPNG olsem em i kam bek gen long wok strong.

Dispela kain bung wantaim ol bikpela ogenaísesen olsem i givim gutpela sans long kisim sapot long ol bikpela tingting na plen bilong MCPNG long strongim wok bilong midia na long wok patna wantaim gavman long strongim gutpela na stretpela developmen gavanens.

Transparensi Intenesenel tokaut long 2014 korapsen ripot

TRANSPARENSI Intenesenel PNG (TIPNG) i tokaut long ol namba bilong ol ripot ol i kisim long pasin korapsen long 2014 long dispela wik long Pot Mosbi.

Program Loya bilong Edvokasi na Ligal Edvais Senta (ALAC), Natasha Utubasi i bin givim ripot bilong TIPNG long wanem kain ol ripot bilong korapsen o pasin bilong gjaman na stilim pablik mani na sevis, i kam long ol ol pipel long 11-pela senta long PNG.

Dispela ripot i soim olsem TIPNG nau i wok long kisim tok-save i kam long pablik long ol samting tru i save kamap long kantri. Ol dispela toktok i kam em i gutpela long ol bos bilong ol dipatmen i yusim long rausim ol kain pasin no gut i wok long kamap.

Mis Utubasi i tok, "taim yumi lukim ol dispela namba bilong ripot em yumi save olsem i gat hevi i stap long korapsen."

Bikpela samting em olsem, ol pipel na ogenaísesen bai i save olsem i gat ples we ol i ken bringim bel hevi bilong ol long ol pasin no gut i kamap long ol pablik ogenaísesen na ples bilong wok.

Sampela mak bilong korapsen we ol i bin soim em i kamapim stori olsem ol lain i save mekim pasin korapsen em; i gat ripot bilong 324 wan wan man o meri i kam insait long ol i wokim sampela kain pasin korapsen, 289 i kam long ol pablik institusen, 70 i kamap long ol politikal pati, 45 long ol pablik kampani o SOE, 28 i kam long ol Sivel Sosaiti Ogenaísesen, 23 ol narapela lain naiting, 12-pela long ol ogenaísesen bilong trabel lain, 6-pela i kam long ol sios bodi, 3-pela long Intenesenel Ogenaísesen. Dispela ripot i soim olsem ol midia ogenaísesen tasol i no tokaut long wanpela pasin korapsen.

Olgeta pipela i mas kisim moa save long pasin korapsen na traim long stopim. Ol i mas tokaut long taim ol i lukim sampela pasin i no gutpela i kamap na no ken kisim mani o samting ol sampela i laik givim long kisim wanpela sevis.

Na olgeta lain i ken kamap memba bilong Transparens Intenesenel wantaim K10 membasip fi tasol.

- **Frieda Sila Kana i raitim**



Ol Midia Kaunsil Eksekutiv wantaim ol komyunikesen tim bilong UN long PNG kantri opis.

Helping PNG and the South Pacific

grow!

Bank South Pacific (BSP) is the regional leader in banking and financial services. Since 2010, we have grown our network so all customers have convenient and affordable banking access - anywhere, anytime.

We offer state of the art electronic banking solutions via Mobile and Internet Banking. Our network of Branches, Agents, EFTPoS and ATMs is the largest across PNG, Fiji and the Solomon Islands.

BSP's strategy combines innovation, with market leading products and services, supported by professional and passionate people, ready to help you grow your business or personal finance.

We are helping the Pacific Grow. **GROW WITH BSP.**

	2010	2015
BRANCHES	68	111
AGENTS	86	287
ATMS	270	432
EFTPoS	3,275	11,882
MOBILE BANKING*	K3million+	K36million+
CUSTOMERS	843,468	1.47million+
GROUP NPAT	K286million	K507million (2014)

*Number of transactions (2014)

BRANCHES

AGENTS

EFTPoS

ATMS

MOBILE

Photo: BSP's Flagship Branch in Port Moresby. Harbour City Branch, BSP Haus.

PNG i no gat plen bilong abrusim neturel disasta

PAPUA Niugini i no gat plen long redi na abrusim bikipela neturel disasta, saiklon o bikipela win na ol arapela bikipela neturel disasta.

Dairekta bilong Neturel Disasta Senta Martin Mose i mekim dispela toktok long dispela taim we lukim bikipela saiklon i kamap long Vanuatu na kilim planti dai na bagarapim planti haus, graun na ol propeti.

Mista Mose i tok kantri nidim gutpela plen long yusim long ol pipel i ken redi long abrusim sapos wanpela bikipela neturel disasta long bikipela mak olsem bilong Vanuatu i kamap long hia.

Mista Mose i tok redi na tu long mekim awenes long ol pipel long rot bilong abrusim kain birua em bikipela samting.

Em i tok yumi nid long gat tren- ing long mekim wanem samting long abrusim ol kain birua na tu long go long wanem hap sapos birua bilong neturel disasta i bungim yumi.

Saiklon Pam na Saiklon Nathan i bin kamap long not is na saut bilong kantri long long wik i go pinis.

Mista Mose i tok PNG i stap long mak bilong bungim saiklon bikipela klaimet senis i kamapim bikipela senis long taim bilong ren na san long dispela taim. Pastaim i no bin olsem.

Mista Mose i tok em i no gutpela long yumi wet long bungim birua na painim helpim. Yumi mas stretim yumi na redi long abrusim ol birua bikos PNG i ken bungim ol kain birua long enitaim.

Tupela moa MP i gat sas long bekim

Namba bilong ol memba bilong palamen hu- sait Obudsmen (OC) Komisin i tok ol i gat sas long bekim long ai bilong lidasip traibunal na salim fail i go long Pablik Prosekuta i wok long go antap.

Long las wik i lukim memba bilong Imbugo na Minista bilong Woks Francis Awesa em OC i tok i gat sas stap na salim i go long Pablik Prosekuta.

OC i tok ol bihain long mekim wok painim long komplek bilong Mista Awesa, em i gat sampela evidens long wok bilong em long pabli opis em i holim olsem memba bilong

Imbongu na Minista bilong Woks.

Na tu memba bilong Abau Sir Puka Temu i bungim wankain hevi.

OC i tok Temu i gat sas long bekim na laikim Pablik Prosekuta long glasim ol evi- dens long wok painim bilong OC na salim fail i go long Pablik Prosekuta.

Sir Puka Temu i tok em bin go bungim OC long intaviu na ol i askim em na em i bekim ol askim na i tok em bai pait long winim kot sapos em i bungim lidasip traibunal long ol sas bilong em.

Ol man nau i ken kisim meri go long kot

OL MANI i gat rait long kisim meri i go long kot aninit long rivals lo bi- long Lukautim Pikinini Ekt sapos meri i lusim man wantaim pikinini.

Dispela rivals lo bai go kisim tok orait long palamen long taim ol memba i bung long Me long givim man na meri wankain rait aninit long lo. Nau em ol meri tasol i save go long kot na kisim mentens sapos meri i lusim ol wantaim pikinini.

Aninit long dispela rivals lo,

sapos meri i lusim man wantaim pikinini, mani i ken kisim meri go long kot na klemim mentens bilong pikinini long meri.

Seketrei bilong Lo Rifom Komisin, Dokta ERIC Kwa i tok long planti yia ol meri tasol save kisim man i go long kot long makim ol yet na pikinin na klemim mentens long ol man.

Dokta Kwa i tokim 2015 Wimen Konprens long Pot Mosbi long sam-

pela bilong dispela lo na rot dispela lo bai wok taim palamen i oraitim.

Dokta bKwa i tok ol i kamap lo long helpim ol man long i gat wankain rait olsem ol meri. Em i tok planti taim ol meri i save kisim man go long kot na kisim mani long ol man tasol taim meri i lusim man, o mani i no save kotim ol long mentens, nau em lo bai kisim meri tu. Palammen bai oraitim dispela lo long mun Me 2015.

Micah i tok Ombusmen i mekim wok bilong ol

Pablik Entaprais Minista, Ben Micah i tok Ombudsmen Komisin i mekim wok bilong ol long wok painimaut long ol lida na salim i go long Pablik Prosekuta long long lo i ken mekim save sapos ol i asua long ai bilong Lidasip traibunal

Minista Micah long i tok em i amamas long wok bilong Om- budsmen tasol em i askim Om- budsmen long mekim stretpela wok long olgeta lida na i no ken

wansait.

Ombudsman Komisin i salim Mista Micah i go long Pablik Prosekuta long Sif Jas bai kotim em aninit long Lidasip Kod long ai bilong Lidasip Traibunal

Mista Micah i tok bihain long em i kisim pepa long Ombuds- men long em bai pait hat long winim kot.

Mista Micah i tok Ombudsmen i mekim disisen long salim em i go long Pablik Prosekuta taim

em bin stap long ovasis.

Em i tok em i no gat kros na bai no inap ranwe bikos Ombuds- maen i gat rait long mekim wok aninit long mama lo bilong kantri.

Ombudsmen i tok ol i painim sampela evidens long Mista Micah i no menesim opis gut.

Ombusmen tu i tok Minista bi- long Stet Entaprais i go insait long wok bilong PNG Pawa we Ombudsmen i tok em i no stret aninit long lo.

Bikipela mani lus long ol neturel disasta

Esia na Pasifik rijon i stap long ples we planti bikipela bagarap bilong neturel dis- asta i save kamap. Ol dis- pela disasta o bagarap em saiklon, tait wara, guria na sunami i save kamapim. Na mani bilong stretim ol dis- pela hevi i stap long mak bi- long US\$1.15 trilen insait long las 45 yia.

Wanpela nupela ripot opis bilong Yunaitet Nesens Ikonokim na Sosel Komisin bilong Esia na Pasifik (ESCAP) i bin tokaut long dispela samting long wan- pela miting bilong ol long Japan. Dispela miting long

Japan i tok olsem ol dispela bagarap i bikipela tru long ol arapela rijon long wol.

Dokta Shamshad Akhtar, eksekutiv seketeri bilong ESCAP i tok ol bagarap long dispela rijon i save bagara- pim tru laip na sindaun bi- long ol pipel.

Em i tok long taim ol i stat long kirapim bek sindaun bi- long ol, narapela hevi i kamap gen na bagarapim ples na laip bilong ol.

Sampela bikipela samting insait long dispela ripot em:

Sikis bilien pipel i kisim bagarap long wankain taim, Moa long 2 milien pipel i

dai long ol neturel disasta namel long 1970 na 2014 long Esia na Pasifik. Guria na sunami i kilim moa pipel long ol dispela bagarap.

Ol bisnis na wok mani bi- long ol kantri long dispela rijon ol 15 taim moa long 1970 i kam inap nau.

Ripot i tok tu olsem ol kantri i wok long develop yet na ol liklik kantri i save bungim bikipela hevi moa long taim bilong neturel dis- asta.

Ol dispela kantri i save lusim samting olsem moa long US\$592 milien long wan wan yia.

NRI bai strongim wok risets

NESENEL Risets Institut (NRI) i gat strong- pela tingting long kamapim gut ol wok opere- sen na pablik polisi risets long kontribuit gut long nesenel polisi developmen bilong kantri.

Siaman bilong NRI Kaunsel, Sir Henry Chow na Dairekta bilong NRI, Dokta Thomas Webster, husat bai pinis long wok bilong em, i bin tok olsem insait long seremoni bilong lonsim 2015 wokplen na welkamim ol nupela woklain.

Sir Henry i bin tok wanpela i mas gat strongpela tingting long bildim wanpela insti- tuten.

Em i bin luksave long long visen o driman na ol wok we Dokta Webster i bin kisim NRI long level em i stap long en nau.

Em i tok strong olsem olsem ol narapela ogenaiesen, NRI i laikim ol gutpela fasiliti o ol samting long yusim long wok na ol risos long kamapim ol gutpela risal bikos em i gat wok long wokim ol ripot long gutpela bilong dispela kantri.

Tasol em i tok long narapela sait, i gat laik olsem i mas gat strongpela helpim long poli- tikel sait long eksenim ol rekomenden o ol

ripot long lukim senis i kamap.

Dokta Webster i bin tok dispela yia bai kamapim faundesen bilong institute we em bai bihainim long 10-pela yia i kam.

Em i tok as tingting em long kamapim gut ol wok risets na dispela em long linkim ol pro- gram long ol nesenel isu long kontribuit gut long nesenel developmen na tu, long kamapim gut wok long kisim ol risal bilong ol risets.

Dispela bai lukijmk stat long ol wok bilong kamapim ol nupela fasiliti, wokim ol bisnis plen, senisim pes bilong NRI kempas, kamapim gut komyunikesen na promotim ol risets risal, na plen long kisimn moa risets woklain.

“Las 10-pela yia i bin lukim ol nupela sys- tem i kamap long Infomesen Komyunikesen teknoloji apgret i go long gutpela fainensel sistem na wok i go fowet,”Dokta Webster i tok.

Em i tok olgeta woklain lonhg NRI i ken amamas long ol kontribusen na ol gutpela samting ol i kamapim long helpim ogena- esen i go het gut.



NRI bod siaman Sir Henry Chow na NRI Dairekta Dokta Thomas Webster i holim ol sampela ripot bilong wok plen bilong 2015 we ol i lonsim. Poto: NRI Media

Woka kompensesen kleim nau i stap long kompiuta

MINISTA bilong Leba na Industriel rilesen, Benjamin Poponawa, Membra bilong Tambul-Nebilyer bai opim Opis bilong Woka Kompensesen Kleim Prosesing na Peimen Sistem (CPPS) tomoro long Crown Plaza Hotel, long Pot Mosbi.

As tingting bilong opim CPPS em long tokaut long pablik olsem ol kompensesen kleim bilong ol wokman na pemen sistem bilong nau bai kamap long kompiuta.

Pastaim olgeta kompensesen

kleim em ol woklain bilong Woka Kompensesen i save redim long han tasol na ol pepa na ol woklain husat i kisim bagarap na ol famili bilong ol lain husat i dai, i save wet longpela taim long kisim kleim bilong ol.

Nau Opis bilong Woka Komensesen, ol i kamapim wanpela Statutri Opis aninit long Ministri bilong Leba na Industri Rilesesens i kamap wantaim wanpela Projek wantaim nem, "Kleim Prosesing na Peimen Sistem" long

2013/14 long senisim dispela sistem long han i go long kompiuta sistem.

Dispela kompiuta sistem bai helpim ol menesmen na edministresen bilong Opis bilong woka kompensesen kleim na tu long ol Employiya, Insurens na Medikal Bot olsem ol i save wok wantiam long wok bilong komensesen kleim.

Nau olgeta dispela lain i ken kisim ol ripot na tok save long kompiuta na internet na e-mail. Dispela i min olsem olgeta kleim registre-

sen, wok bilong en na peimen nau bai i ken kamap long e-mail na internet.

Bihain long Mas 6, 2015 ol kampani na ol wokman, wokmeri husat i kisim bagarap o lain bilong ol i dai, bai wokim olgeta kleim i mas yusim internet o e-mail long mekim. Ol lain long ol rurel eria bai wok wantaim ol kampani bilong ol long putim ol kleim bilong ol.

Ol Kampani we i rejista wantaim IPAi ken rejista wantaim woka kompensesen CPPS onlain. Sapos kampani bilong yu i rejista pinis log

sistem bai OWC i givim yu wanpela paswod na username. Tasol sapos em i namba wan taim bilong yu rejista, yu ken go long employa rejista pes na raitim wanpela username olsem wanpela email adres na paswod.

Ol woklain husat i kisim bagarap o famili bilong ol lain i dai long taim ol i kisim bagarap long wok ples na ol i no gat internet, em ol i ken go lukim Opis bilong Woka Kompensesen het opis long Pot Mosbi na ol woklain bai helpim ol long hap.

Mangro ken sevim ples...

Eksektiv Opisa bilong Climate Change, Varigini Badira wantaim Presiden bilong Rigo Sentral LLG na LLG menesa bilong Sentral Provins i putim han wantaim long plantim mangro.

Poto Nicky Bernard



Nicky Bernard i raitim

"LUKAUTIM Mangro na em bai lukautim yu". Dispela em toktok Eksektiv Opisa bilong Climate Change Varigini Badira i tokim ol pipel long ples Manogoro insait long Sentral Provins.

Mista Badira wantaim ol wok manmeri bilong em bin go long ples Manugoro long planim mangro long sevim nam-

bis bilong dispela ples.

Em tok mangro em wanpela kain diwai we i gat planti wok bilong en long sevim nambis, pis, kuka na planti moa samting.

Plantim bilong ol ples lain long Manugoro bin stap long dispela bung long harim toktok bilong Mista Badira.

Manugoro ples i bin gat mangro tasol planti bilong ol dispela strong-

pela diwai bilong solwara i bin dai na mekim solwara i kam insait liklik long ples.

Mista Badira i tokim ol ples lain long Manugoro long planim planti mangro na mangro bai sevim ol long bihain taim.

Olgeta Manugoro nau i putim het i go daun long planim mangro long sevim ples bilong ol na ol pikinini bilong long bihain taim.

Pomio Open Bai Eleksen i on

Nicky Bernard i raitim

POMIO Ilektoet long Is Nu Briten bai makim nupela memba bilong long dispela Mun bihain long Gavana Jenerel i givim writ pepa long tok orait bai ileksen.

Dispela sia bilong Pomio open i bin stap nating bihain long kot i kalabusim memba bilong Paul Tientsen long 9-pela yia olgeta.

Ilektoral Komisina Andrew Trawn i tokaut long wanem taim bai ol stat olgeta wok kamap bilong ileksen long Pomoi.

Trawn i tok, Nominesen bai kamap long Trinde 18 Mas 2015.

Poling bai stat long

Sarere 9 Mei 2015

Poling bai pinis long Fraide 22 Mei 2015

Kam bek bilong Writ long o bipo long Fraide 11 Jun 2015

Ol namba bilong ol de em long nominesen bai kisim olsem 7-pela de, kempen bai kamap long 8-pela de, poling bai kamap long 14-pela de na taim bilong kauntim bai kisim olsem 21 de olgeta.

Trawn i tok ol pipel long Pomio distrik na ol dispela kenidet husat i laik resis long Pomio open sia ken rejista long Ritening opisa long Kokopo o ken lukim 5-pela asisten ritening opisa long 5-pela LLG.

Mista Trawn i tok,

nominesen i op pinis nau na ol manmeri laik resis mas go long nominet nau na maski long las minit.

Em i tok tu olsem i bai gat 33 poling tim bai lukautim moa long 160 poling ples long taim bilong ileksen.

Dispela bai ileksen i kam long mani mak long K3.6 milien we Treseri Dipatmen i mekim kam long las wik Tunde long karim wok bilong dispela ileksen hariap.

Pomio Open Elektoret long 2012 i gat 29,655 manmeri bin rejista na ol ken vot, tasol i bin gat 19,507 manmeri bin putim mak long makim memba bilong ol.



National Information and Communications Technology Authority

Public Notice

Call for Project Proposals 2015

One of the key objectives of the National ICT Policy is to ensure equitable access to Information and Communication Technology Services. The policy objective is founded on the premise that ICT is seen as necessary tool for economic growth and social development. The Universal Access Board within NICTA is mandated to give effect to this policy by identifying and developing projects and is now embarking on program that is aimed at bridging the telecommunications and ICT gap that limits the opportunities available to ordinary citizens. With the support of the World Bank the Board commenced the program last year with the voice telephony project that will eventually connect over 500,000 citizens in remote and rural PNG by the end of this quarter. The voice telephone project will be followed with Internet Services Project targeting rural communities.

Within this context, the National Information and Communications Technology Authority (NICTA) is inviting project proposals from interested stakeholders including the general public and ICT operators and service providers to propose projects consistent with the overarching goals within the ICT sector. Once proposals are received, NICTA will conduct reviews of each of the proposals beginning in late March through the end of April 2015. Proposals that are accepted will be considered by the UAS Board for implementation in 2015. In this context the UAS Board has approved in principle a number of projects that may be implemented in 2015.

Stakeholders can download the form to submit proposals which is available at: <http://uas.nicta.gov.pg> The deadline for submission of project proposals is 27 March 2015.

Should you have any questions, please do not hesitate to contact:

Kila Gulo-Vui
Acting Director UAS Secretariat
NICTA
Phone: 3033228
Email: kgulovui@nicta.gov.pg

Authorized by:
ANSGAR PALAUVA
CHAIRMAN NICTA & UAS Board

Madang-Lae haiwe pas yet.... Gavman helpim we?

James G. Kila i raitim

BIKPELA nesenel haiwe rot we i joinim Madang i go long Lae na ol Hailans provins i pas yet. Na ol bikipela kago bilong ol stua na ol arapela sevis i stop long muv stat long las wik Trinde yet i kam inap nau.

Dispela bikipela hevi i kamap bi-hain long bikipela ren i kamapim taitwara na bagarapim rot na ol bris namel long Madang na Dumpu.

Faivpela bikipela wara stat long Aumia i go Asas, Kesawai na Dumpu i tait na bringim ol bikipela as bilong diwai na ol pipia long maunten na bus i go blokim rot na bris na pasim rot blong ol bikipela kar long muv i go kam.

Ol pipel we haus bilong ol i stap arere long ol wara stat long Aumia i go olsem long Dumpu i bungim bikipela bagarap stret. Aumia riva i kamapim bikipela bagarap tru long ol haus arere long en.

Wantok Niuspepa i kisim belhevi bilong sampela ol lain pipel arere long ol riva we i kamapim hevi na ol i tok olsem Madang provinsal gavman na ol distrik lain i slek tumas long bringim ripot bilong bagarap i go long Nesenel Disasta Senta.

Planti ol lain bilong dispela eria i autim belhevi bilong ol olsem maski olsem em neturel disasta o hevi nogat man i kamapim, moabeta ol lida olsem Memba bilong Usino-Bundi, Anton Yagama wantaim ol opisa bilong em i mas go na luk-save long hevi na givim ripot i go long Nesenel Gavman.

Long nau yet ol pipel long Madang seksen tripela haiwe stat long Aumia i go olsem long Asas i no larim ol wokman bilong Woks Dipatmen na masin long klinim ol pipia i pulap long bris na rot. Ol pipel i laik Gavman i mas givim ol sampela helpim pastaim long wok i ken kamap.

Wantok Niuspepa i bin toktok wantaim wanpela opisa bilong Madang Provinsal Woks Dipatmen husat i tok olsem ol i bringim ol masin bilong ol long mekim wok, tasol ol pipel husat i bungim hevi na bagarap na stopim ol long mekim wok.

Em i tok ol pipel i stopim ol long mekim wok bikos ol i laik Gavman o Madang provinsal gavman i mas givim ol helpim long sait long rilif saplai pastaim. Ol pipel i tok ol save pinis long pasin bilong gavman olsem sapos ol i larim na masin i stretim rot, bihain bai Gavman bai no gat luksave long helpim ol wantaim rilif saplai na ol arapela samting.

Dispela bagarap tait wara i kamapim em bikipela tru bikos faivepela riva i bungim hevi na dispela ol bagarap i stap longwe long ol yet na em moa hevi tru long wanpela man i abrusim narapela na go bikos narapela bagarap tu i wetim ol i stap.

Ol lain buai treda i stori olsem ol i save abrusim tripela bikipela wara nau yet na karim buai i go na senisim bas long go long hapsait.



Bikipela tait wara karim ol bikipela diwai i pundaunim pawa lain na givim hevi long pawa saplai go long Madang.



Bikipela wara tait na karim ol haus morota i go na bris tu i bagarap.



Ples i pulap long wara. Ol poto: James G.Kila

Dispela bagarap tu i kamapim liklik informal bisnis bilong ol yut long ol viles arere long rot bikos ol yangpela man i wok long karim buai beg bilong ol lain baiya bilong Hailans i go kam na ol i wok long sasim mani.

Wanpela komyuniti lida bilong Ono Usino LLG, John Koti i tok olsem sampela ol kar we i stap namel long ol ples na bagarap i kamap long ol bris long rot i wok long sevim ol lain i go kam na sasim ol.

Narapela komyuniti lida long Usino LLG na Komyuniti Rilesins Opisa wantaim Ramu Nikel Projek, Samuel Masawa i tok bikipela bagarap i stap yet, haiwe i pas na no gat ol bikipela sevis i ran namel long haiwe na planti ol haus em tait wara i bagarapim na kos bilong en em planti milien Kina tru.

Mista Masawa i no amamas olsem dispela K10 milien Praim Minista Peter O'Neill i tokaut olsem Gavman i givim tok orait long en long helpim ol provins i kisim bagarap em Madang i no gat nem long kisim.

Em i tok em i no amamas tru olsem Madang i no stap insait long K10 milien helpim gavman i givim i go long ol provins i kisim bagarap bihain long bikipela win, ren na taitwara we i kamap las wik.

Em i tok ol lain long Usino-Bundi Gama LLG i slek tumas na i no givim disasta ripot i go long Nesenel Disasta Senta long Mosbi hariap long kisim helpim long dispela K10 milien, olsem na nau ol pipel bai kisim taim stret.

Mista Masawa i mekim dispela toktok bihain long wokabout bilong em long tripela LLG eria stat long ples Lai na Karisanga go long wod 12 bilong Gama LLG, Ainangri long wod 22 Bundi LLG long sekim ol hevi tait wara na bikipela Ramu riva i kamapim.

Em i tok planti handet pipel long Madang i lusim gaden kaikai na tu sampela haus em tait wara i bagarapim tru na tu trenspot namel long Lae na Madang i stop.

Mista Masawa i tok ol pipel na komyuniti lida long ol viles na LLG long Usino-Bundi long Madang askim bikipela kwesten nau watpo Madang i no gat rilif o mani helpim i kam long Gavman.

Insait long midia ripot PM O'Neill i tokaut olsem ol sikspela provins em dispela K10 milien helpim bai go long en em long Wes Nu Briten, Jiwaka, Sauten Hailens, Bogenvil, Noten na Galp provins.

Mista O'Neill i tok olsem gavman i putim mani long helpim ol dispela sikspela provins bikos ol lain long disasta opis wantaim ol distrik na provins i skelim olsem i givim ripot bilong bagarap long gavman.

Planti planti pipel long eria we i bagarap long Madang i no wanbel tru long gavman olsem watpo Madang i no gat nem long kisim helpim i kam long dispela K10 milien gavman bai givim. Planti i rausim bel hevi na kros bilong ol long Madang provisal disasta opis na Gavana bilong Madang, wantaim Memba bilong Usino-Bundi.

Watching out for women's cancers

Dr. Paul Alexander, Consultant Surgeon

On a global scale, famous actress Angelina Jolie in 2013 brought the Hollywood spotlight on breast cancer. There was a buzz the world over surrounding her double mastectomy surgery undergone to prevent her developing breast cancer as she was at high risk due to a family history of cancer.

Breast Cancer has had much exposure, but it is not the only cancerous threat against women. Gynecological Cancers such as cervical, ovarian, vaginal and vulvar which are gaining momentum according to world experts, and are just as ominous as any other form of the disease.

With breast cancer Dr. Pius Umo of PIH like all doctors stress the need for prevention and encourages eligible women (older or with family history of cancer) to undergo a mammogram to detect early cancers.

"Women should come in for screening which is a function of the mammogram that can detect cancerous cells even before symptoms," he said.

A breast self-exam should be part of your monthly health care routine, and you should visit your doctor if you experience breast changes. If you're over 40 or at a high risk for the disease, you should also have an annual mammogram and physical exam by a doctor. The earlier breast cancer is found and diagnosed, the better your chances of beating it.

Risk factors

The primary risk factors for breast cancer are female sex and older age. Other potential risk factors include: genetics, lack of child-bearing or lack of breastfeeding, higher levels of certain hormones,

certain dietary patterns, and obesity. Smoking tobacco appears to increase the risk of breast cancer. There may be an association between use of oral contraceptives and the development of premenopausal breast cancer.

Symptoms of Breast Cancer

The first sign of breast cancer is a new lump in the breast that you or your doctor can feel. A lump that is painless, hard, and has uneven edges is more likely to be cancer. But sometimes cancers can be tender, soft, and rounded. So it's important to have anything unusual checked by your doctor.

According to the American Cancer Society, any of the following unusual changes in the breast can be a symptom of breast cancer:

- Swelling of all or part of the breast
- Skin irritation or dimpling
- Breast pain
- Nipple pain or the nipple turning inward
- Redness, scaliness, or thickening of the nipple or breast skin
- A blood stained nipple discharge
- A lump in the underarm area

These changes also can be signs of less serious conditions that are not cancerous, such as an infection or a cyst. It's important to get any breast changes checked out promptly by a doctor.

Screening test

A number of screening test have been employed including:

- Clinical and self-breast,
- Ultrasound,
- Magnetic resonance imaging.
- Mammography and
- Genetic screening.

The diagnosis confirmed by FNAC(Fine Needle Aspiration Cytology) and Biopsy of the tumour.

Management

The management of breast cancer depends on various factors, including the stage of the cancer and the age of the patient.. Increasingly aggressive treatments are employed in accordance with the poorer the patient's prognosis and the higher the risk of recurrence of the cancer following treatment.

Breast cancer is usually treated with surgery, which may be followed by chemotherapy or radiation therapy, or both. A multidisciplinary approach is preferable. Hormone receptor-positive cancers are often treated with hormone-blocking therapy over courses of several years. Monoclonal antibodies, or other immunomodulating treatments, may be administered in certain cases of metastatic and other advanced stages of breast cancer.

Cervical Cancer Awareness

Dr. Mathias Sapuri, Consultant Obstetrician and Gynecologist

Risk factors

Recognized risk factors for cervical cancer are HPV infection and Socioeconomic status.

Symptoms of Cervical Cancer

Cervical Cancer is a preventable disease that affects more women than necessary due to late detection and treatment.

It is caused by the human papillomavirus, of which there are many strains and are actually commonly occurring, but there are 3 or 4 types of it that are regarded as the cause for cervical cancer.

Typically, early cervical cancer is not detectable through symptoms but as the condition progresses and becomes more aggressive, abnormal vaginal bleeding can occur.

Abnormal cervical cell changes rarely cause symptoms. But you may have symptoms if those cell changes grow into cervical cancer.

Symptoms of cervical cancer may include:

- Bleeding from the vagina that is not normal, such as bleeding between menstrual periods, after sex, or after menopause.
- Pain in the lower belly or pelvis
- Pain during sex
- Vaginal discharge that isn't normal

A Pap Smear test can find changes in cervical cells before they turn into cancer. The Pap smear is a screening test for cervical cancer. Cells are scraped from the opening of the cervix are examined under a microscope to determine whether they are cancerous or not.

Tell your doctor or nurse about all the medicines you are taking. Some birth control pills that contain estrogen or progestin may affect test results.

Most cervical cancers can be detected early if a woman has routine Pap smears. Screening should start at onset of sexual activity.

After the first test:

- You should have a Pap smear every 2 years to check for cervical cancer.
- If you are over age 30 and you also have HPV testing done, and both the Pap smear and HPV test are normal, you can be tested every 2 years. (HPV is the human papillomavirus, the virus that causes genital warts and cervical cancer.)
- Most women can stop having Pap smears after age 65 to 70 as long as they have had three negative tests within the past 10 years.

Screening and Testing

Complete physical and gynecological examination (General Anesthesia if required)

CBC, Biochemistry : to rule out anemia and deranged renal functions

Biopsy punch, knife, colposcopy guided or conization: Histopathological diagnosis

Chest X ray : to rule out co morbid conditions and General Anesthesia Evaluation

Ultrasonography Abdomen and Pelvis : Kidney status, identify gross nodal disease

CT Scan Abdomen and Pelvis (optional)

MRI Pelvis / Whole body PET Scan (optional)

Cystoscopy / Sigmoidoscopy / Barium enema / IVU if clinical suspicion of bladder, rectal or ureteric involvement.

Management

For early stage disease surgery conserves ovarian function and avoids the effects of early menopause. Less shortening and fibrosis of the vagina occurs compared to radical radiotherapy which gives better results in terms of residual sexual function. Surgery also allows the status of the pelvic lymph nodes to be assessed accurately.

Surgery is the preferred treatment option in young women provided that there are no contraindications. The outcome following surgery is associated with a variety of prognostic factors including size of primary tumor, depth of stromal invasion, presence or absence of proximity of tumor to vaginal and parametrical margins.

Generally chemo radiotherapy is used to treat women with advanced disease.

Surgery is not offered to this group of women because of the significant risk of positive margins and positive nodes.

In women with absent ovarian function following surgery and/or radiotherapy for cervical cancer, hormone replacement therapy (HRT) reduces post-menopausal symptoms.

- Antenatal package
- Labour & delivery package
- Laparoscopic 'keyhole' surgery
- Well woman and baby clinic
- Neonatal intensive care

Get ready to deliver your next baby at the luxurious labor & delivery suite at the new PIH !



**Pacific
International
Hospital**
delivering advanced healthcare

3 Mile Hill, Taurama Rd, Port Moresby * Call 311-3000 or 323-4400 or text 7155-8866 or email: pihopd@gmail.com

Polis i holim saspek long Morata 1

OL polis i kisim wanpela Hagen man long bihain long pait i bin kamap namel long ol Hagen na Enga we wanpela Enga i bin dai long Morata 1 long Pot Mosbi.

Dispela man ol i makim em i bin wanpela bilong ol man i statim pait. Em i gat 40 kris-mas. Dispela pait i bin kamap taim wanpela man long Enga

i bin kros wantaim wanpela meri Hagen long daka long Komyuniti Hal insait long Morata 1.

Dispela pait i go aut long rot na ol kar tu i no bin ran bikos ol i bin kukim wanpela kar.

NCD Sentral Komanda, Jerry Frank, i tok ol i kisim dispela man long Mande apinun na kisim em go long Boroko

polis stesin long askim em. Em i tok ol i painim yet ol man i bin stap insait long dispela pait long Februeri 22.

Polis i kisim tupela man na tupela meri go long kwestenim ol tasol ol i no arestim wanpela yet.

Ol polis i putim was long dispela hap nogut pait i kirap gen.



Ol i kukim dispela teksu long taim ol pait long Februeri 22.

Ekting Polis Komisina i no wanbel long ol paitim PPC Tondop

EKTING Polis Komisina, Jim Andrews i no wanbel long ol i paitim Jiwaka Provinsal Polis Komanda Suprintenden Joseph Tondop na em i tok strong long ol viles lida long kisim ol man husat i mekim dispela trabel.

Hailans Deputi Divisinel Komanda, Sif Suprintenden, Jimmy Onopia, PPC Tondop na ol polis man i go na ol man i bungim ol na paitim Mista Tondop na brukim sampela polis kar long moning.

“Em i no stretpela pasin,” Ekting Komisina Andrews i tok.

Mista Andrew i askim ol viles lida long painim aut husait i mekim dispela

pasin na kisim ol kam na arestim ol. Em i tok dispela pasin i no gutpela bikos Mista Onopia na Mista Tondop i go long lukim ol pipel na harim petisen bilong ol bihain long wanpela man i dai taim ol polis i lokim em long kalabus.

Em i tok planti lain i tok ol polis i no mekim save long ol polis husat i brukim lo. Tasol em i tok polis fos em bilong ol pipel na ol i stap long sevim na lukautim ol pipel.

Ol bai mekim save long ol polis husat i givim hevi long pablik. Ol bai stretim ol long ol edministretiv rot na sasim ol sapos ol i brukim lo.

Nupela rot bilong painim wok long intanet

NUPELA rot bilong painim wok ol i kolim long job bod i stap long intanet nau.

Ol kampani o ogenaiesen i putim aut ol wok na ol pipel husat i painim wok i ken lukim na aplai long ol dispela wok wantaim mobail fon o yusim intanet.

PNGJOBSEEK i nupela on-lain wok bod we ol i mekim bilong inapim ol nid bilong ol kampani na ol ogenaiesen na ol man na meri husat i painim wok.

Dispela ol kampani i re-

jista long edvetaisim ol wok i stap na ol pipel i painim wok husat i rejista pinis i ken painim na aplai long ol wok.

Olsem 20,000 pipel husat i painim wok i rejista pinis na olsem 200 ogenaiesen insait long ol indastri long PNG i rejista tu na ol i putim aut ol wok bilong ol.

Husat i painim wok i ken salim Karikulum Vitei (CV) bilong em long intanet long edres bilong ol o salim long pos opis boks bilong ol.



Ol lain i painim wok i rejista na givim Karikulum Vitei (CV) bilong ol long ol PNGJOBSEEK Maketing Tim long Pot Mosbi.



TRUSTEE FOR THE DEFENCE FORCE RETIREMENT BENEFIT FUND

DFRBF MEMBER STATUS UPDATE

The following members are required to contact the Member Service Office and update their personal and contact details;

NO	NAME	NO	NAME	NO	NAME	NO	NAME	NO	NAME
1	AGOB. T	15	BOGOMBARI. P. C	29	JOHN. L	43	LOME. F. W	57	RANK. K
2	AISA. C	16	BOYOVI. L	30	JOHN. A	44	MAELAU. G	58	REU. S
3	AITOU. L	17	DAEL. P	31	JOMIS. I	45	MARIGI. J	59	ROCKSY. A
4	AMAIU. C	18	DANUCK. K	32	KAMBU. F	46	MARKUS. R	60	SAITONY. D
5	AMETA. V	19	DEEKAY. O	33	KAMI. J	47	MASO. P	61	SAKAI. A
6	AMPAOI. M	20	DIMUGU. G. H	34	KAMOANG. U	48	MAURICE. M. J	62	SAUN. H
7	ANDREW. J	21	DOM G. S	35	KARA. M	49	MIRIGAM. C	63	SURUTE. M
8	ANDY J	22	DOONAR. A	36	KARE. M	50	MOASING. H	64	TALIVA. B
9	ARINASO. F	23	DOONAR. A	37	KAROL. O	51	NARARA. G	65	TOISEWELU. T
10	ARIS. J	24	FOFO. E. L	38	KAROL. S	52	NINIT. A	66	TOROPO. J
11	ASOH. D	25	HUBERT. E	39	KERENG. D	53	NUL. E	67	TSIAMALILI. I
12	BALPAY. Y	26	ILAKU. P	40	KONIMAL. J	54	PALA. K. C	68	WAIA. T
13	BARI. J	27	ISHMAEL. P. L	41	LAVAKI. L	55	POKONAM. B	69	WILLIE. D. T
14	BINISO. D	28	JACK. I	42	LINDSAY. S	56	PULUPE. E. E	70	WORINAMIA. O. M
								71	YAKO. P

PENSION STATUS UPDATE

The following pensioners are urgently required to contact the Trustee's office and update their records.

Beneficiaries and relatives of pensioners are also encouraged to contact the office to confirm their status as soon as possible;

NO	NAME	NO	NAME	NO	NAME	NO	NAME
1	AGNES BOGINA	55	HILDAGARD LINCOLN	109	MARIA BOSON	163	RAIMAU BALTASA
2	AGNES KALKAL	56	HOMIN MARIA	110	MARIA KOROBUNG	164	RAYMOND CHRISTINE
3	ALOIS TOISAK TAMEAN	57	IAUTU MAMILA TOPOPO	111	MARIA SILITARAI	165	RAYMOND MAISU
4	AMBROS AIBA	58	JACK PALME	112	MARTINA IKANAU	166	REGINALD RENAGI
5	ANARI VELE	59	JAMES GARI	113	MARY BANI	167	RELVI TOMALA
6	ANAU NATUNG	60	JAMES KAMONG SARI	114	MARY KAIEH	168	REWAIT DONALD
7	ANDOWA KANAMA	61	JEAN TIRAPI	115	MARY KEKEBOGE	169	RHONDA WORONAI
8	ANNA AIROS	62	JIM ZERLINDA	116	MARY WAIBUN	170	RICHARD AIMUNDI
9	ANTHONY SAWA	63	JOANNA KRIPAKIA SILAMBI	117	MASA WEWEVIONG	171	RITAKO JEFFERSON
10	ARMELA ROPLAEN	64	JOHN KELETO	118	MASI PAUKILALA	172	ROMALUS RODI
11	AUDREY GAREITZ	65	JOHN TSIONI	119	MASPOK JOSFINE	173	ROSEMARY MELAVI
12	AUTHER JOEL	66	JOKEMA AVAMPA	120	MATHEW YAWI	174	RUAS TOGE
13	AWENE KOKOPO	67	JONAH WEMALO	121	MELI TOBIRAO	175	RUTH AIGILO
14	BAL HENRY	68	JOSEPH KUVEMSANDE	122	MELVA OROVO	176	SAIDAM JOHN
15	BANASI MARK	69	JOSEPH PEIDO	123	MENA YUYAGAO	177	SALOM SAM RICHARD
16	BARBARA KEKEAO	70	JOSEPH VICTOR	124	MERAN TOPIKIT	178	SAMUGA PETER
17	BARNABAS VUTIA	71	JOWAL TUMPI	125	MERILYN SIUNE	179	SARAH MAJAMU
18	BARO SABO	72	JULIE ALINGAN	126	MICHAEL GASILAMAI	180	SARANGAM BAREIJ
19	BE GOGIRI	73	KAKIK BEIK	127	MIMINO JOHN HUNT	181	SEMBISEN LUCY MATHIAS
20	BEKE TOM	74	KALAI GOREI	128	MINANGU TOBIAS	182	SOAPE JOSA
21	BETTY POMINIS	75	KANAWI CAROLINE	129	MIRI HARORIVA	183	SOMI ISORI
22	BIRITO BAKUME	76	KASUL MARIA	130	MONICA MOMBI	184	SOMU KITOMBING
23	BRENDA SIKI KASPA	77	KATHLEEN TAULAHAMA	131	MONICA PIKO	185	STANISLAUS BITA
24	BU'U DADE	78	KAVE LAHARE	132	MOPA YOBOK	186	STEVEN GIRU
25	CATHERIN POMU PAUL	79	KAVE PAIA	133	MOSAE RAY	187	SUL TILU
26	CATHY GRANGERY	80	KEIKI AUGUSTINE	134	MUNGE ROY	188	TANIA GOMAIMU
27	CHRISTIE ARAR	81	KIRIBA FRITORY FRED	135	NAIMI MESSA	189	TAPU SAM WAKU
28	CHRISTINE WATUNA	82	KIRUNG TAKPIT	136	NARRETE KOMBI	190	THERESA PONDRAMON
29	CLARA CHANGAN KOIM	83	KIWA JAPI AMPON	137	NIWILINGA DYDISS	191	THERESA YAEAL
30	COLLETTA NONI	84	KLENGLI NEESKIENG THOMAS	138	NOAH TRUYASI JULUS	192	TIKALE ANIS
31	DAL JOHN ANNAYEN	85	KOKOMUNG THERESA	139	NOKUAM POKALAI	193	TINA MUA
32	DARUSILLA NANUK	86	KOTUWA MAM	140	NONGOUA FRANK	194	TIPAU GORDEN
33	DAVID TOMARUM	87	KRUSWORE JOHN KRAEMBI	141	NUHAMBUI JOHANG	195	TIU MOA LEWARAKA
34	DILIGIATO GINIYA	88	KUDUDU CATHEY SAGILAM	142	NUSABARI MANGAO	196	TOBIAS WORIN
35	DIPALA KAWIA	89	KUNAR WANA	143	OLIVER ABSALOM	197	TOHO TIMOTHY
36	DOMBOREE IBEI	90	LAMBARI SOMAI	144	OMAS AKUMI	198	TOM KATU YABI
37	DOROTHY KOLLY	91	LAURIKO MOKE	145	O'OU JACINTA	199	TOVET WILLIAM
38	DOROTHY TOMAVOKO	92	LAVE KOLO	146	ORI OE KORINA	200	TOWAIM SELLY VIVIOK
39	EFI PETNAIS ANNE	93	LAVIRIU BALISE THEODORE	147	OROSA GIRAI	201	TOWUVUL EREMAS
40	ELIZABETH EVA	94	LEONA TANI	148	PAIROP SEBASTIAN	202	TUTUMAN SUKU
41	ESKOL NUS	95	LINUS MANOI	149	PAJEN SALIH	203	UALI NAMANA
42	FIFITA ISIKEL	96	LUBERT MOREBAI	150	PALA AUGUSTINE	204	ULARI SAVA
43	FREDA SAMALA	97	LUCY ABAIK	151	PALON ANTON	205	VINNIE PITAL TORONGO
44	GABE URUSI	98	LUCY BOMBOM	152	PAMENAS HOSKIN	206	WAPE PAPEP
45	GABRIELLA BULEAKA	99	LUKE KAIA	153	PATRICK LAUBOU	207	WARU UWWEYA
46	GANE POKOS	100	MAGOIPEN GABRIEL	154	PAUL KAVU LAPE	208	WASANA ATSI
47	GEAM GAMONG	101	MALAKI BADU	155	PETER LAVE	209	WILLY MAUT
48	GEBI PIDE	102	MALALU MALAUPU	156	PETER SUANGA	210	WILSON PINGA KAGENI
49	GEORGE RONDA PHILIP	103	MANDAN TONY	157	PETER WAUGLA	211	WINNIE NAPTALI
50	GIARA PORA	104	MANIAT ARUR	158	POTI FRANCISCA	212	WOWO WENA DAMBA
51	GIBSON NAKO HARUWE	105	MANTIP GOWARIRI	159	POTO MONICA	213	WOYENG SOYENY
52	GURING ALISI	106	MAPIO KALONG	160	POUNA ROGA	214	YANIKIK KOQUABU
53	HARUPA AVOA ILA	107	MARGARET IPAI	161	PRIMUS ALAS	215	YAVIRIR JOHN ARIAKA
54	HERA NAU	108	MARIA BONOWAN	162	PROUT OKAJA	216	YENDEGLE ROBERT

Please contact Member Service on the following numbers: PH 3203455/1801007 - Fax 320 1710 /321 5840. Email us at the following address; benefits@ctsl.com.pg or visit us at www.ctsl.com.pg or at Shop 2, Ground Floor, Defence Haus, Corner of Hunter Street and Champion Parade, Port Moresby.

Authorized by
RICHARD SINAMOI
Chief Executive Officer



Seketeri bilong Dipatmen bilong Edukesen, Dokta Michael Tapo i tok aut long disisen bilong NEC long Fincorp Haus, long Pot Mosbi.

Ol kleim egensim Stet i no bihainim lo

Esther Bralyn Wani i raitim

NESENEL Eksekyutiv Kaunsel (NEC) i mekim disisen olsem ol kleim egensim gavman em i iligel o i no bihainim lo na i kenselim ol.

Dispela i bihain long ol kontrekta i sanapim ol haus sel long fran bilong Fincorp Haus long Pot Mosbi na wetim ol kleim bilong ol.

NEC i toktok na ske-

lim dispela odit ripot wantaim ol rekomendesen bilong setelmen long ol kleim i egensim gavman long Nesenel Kapitel Distrik (NCD) Skul na Opis bilong Laibri na Akaivs, Seketeri bilong Edukesen, Dokta Michael Tapo i tok.

NEC wantaim gutpela save na ol ligel edvais bilong ol i ritim dispela ripot na mekim ol disisen long dispela mun long ol ki stetmen; Olgeta NCD Eduke-

sen na Ola Kleim i iligel na i no inapim minimam odit tes na prokumen wok aninit long Pablik Fainens (Menesmen) Ekt; NEC i dairektim Edukesen Dipatmen wantaim Nesenel Kapitel Distrik Komisn (NCDC) long mekim save olsem ol projek i no pinis yet bai mas pinis bihainim ol stretpela prokumen proses we i stap insait long Pablik Fainens (Menesmen) Ekt; na NEC i dairektim riferel

bilong odit ripot i go long ol lo ejensi we i bai karim aut wok bilong implementesen.

Dokta Tapo i toksave long pablik olsem ol i bihainim ol gutpela rot long dispela wik na em i askim olgeta long bihainim toktok.

Em i tok moa olsem ol pipel long NCD i mas save olsem NEC i mekim disisen pinis tasol sapos ol i no wanbel ol i ken karim go long kot.

DBTS i soim tupela pasin long program

DON Bosko Teknikel Sekenderi (DBTS) long Gabutu i helpim long klinim na mekim het opis bilong Anglicare long Pot Mosbi luk gut insait long Seventhud na Lidasip Trening o SALT Program.

Long dispela spirituel skul na edukesen program, ol sumatin i save go long ol NGO, komyuniti ogenaissen na ol narapela ples long wokim komyuniti sevis wok long 5-pela awa. Dispela SALT program em bilong ol Gret 12 na ol Industriyel Trening kos sumatin.

Ol Gret 12 sumatin wantaim tisa bilong ol Mista. Peter i

helpim wantaim ol komyuniti sevis long ol NGO hap long Waigani insait long Pot Mosbi.

Mista Peter i tok skul i kamap wantaim dispela tingting long redim ol fainel yia sumatin long go aut long wol olsem ol seven lida.

Em i tok moa olsem ol i laik helpim ol sumatin wantaim ol skil o save olsem ol lida long komyuniti wantaim ol kain ektiviti o wok olsem.

Em i tok moa olsem i gat 3-pela Gret 12 na 5-pela klas bilong Industriyel Trening Kos na olgeta i save go aut long helpim ol komyuniti grup na Pot Mosbi

Jenerel Haus sik na Anglicare PNG em wanpela bilong ol.

Mista Peter i tok SALT program i save kamap long wan wan yia na ol sumatin i save givim ol sevis olsem, katim na stretim ol flawa, katim gras, pikim rabis, brumim ol lip save pundaun na stretim insait na autsait wantaim.

Brens Menesa bilong Anglicare POM, Bernard Paru, i makim maus bilong Ogenaisesen na tok tenkyu long ol sumatin na Don Bosko Skul long dispela tingting na em i welkamim planti ektiviti olsem bihain tu.



Ol Gret 12 sumatin long DBTS, Zeroman Noru (hankais) na Sears Binawai (lephan) we i stap insait long 42 sumatin i klinim Anglicare Pom na Good Shepherd hap long Pot Mosbi aninit long SALT program.

Greduesen ples bilong UPNG bai senis

Esther Bralyn Wani i raitim

“GREDUESEN bilong Yunivesiti ov Papua Niugini (UPNG) bai senis i go bek long olupela greduesen ples long Forum Skwe insait long skul,” Vais Semsela bilong UPNG, Profesa Albert Mellam i tok.

Profesa Mellam i tok greduesen ples bai senis long wanem ol lain long Saut Pasifik Gems bai yusim dispela hap long Sekyuriti Bes.

Tasol em i tok bai gat planti sekyuriti putim was na ol bai givim 2-pela pas long wan wan sumatin bai greduet olsem pas-taim.

Em i tok moa olsem greduesen bai kamap long tupela de. Em long Epril 9 na 10.

Em i tok tupela skul bai greduet long Epril 9 na narapela tupela long Epril 10.

Profesa Mellam i tok greduesen bai kamap long tupela de bikos namba bilong ol sumatin i go bikpela moa.

Mis PNG Grace Nugi i toktok long ol liklik pikinini na ol bikpela man na meri long lukautim ol pisin long bus long Wol Wail laip De. Planti ol pisin i pinis bikos ol lain i kilim long bilas na ol kaikai.

NRI i painim aut rot long daunim hevi long Projek fi

“TUSEN Fri Fi Edukesen Polisi (TFEP) i no inapim kos bilong lukautim skul na i givim gutpela risos long sapotim kwalati tising na lainim samting,” Dokta Arnold Kukari i raitim long komentri bilong Nesenel Rises Institut (NRI).

Dokta Kukari i tok planti skul i sot long ol klasrum, haus bilong ol tisa, ol risos bilong tisa na ol sumatin, ol gutpela tisa, gutpela wara, toilet na ol klinpela samting long sapotim kwalati tising na lainim samting. Tu namba bilong ol pikinini i go bikpela bikos no gat tuisen na projek fi.

Em i tok aut long upela rot we i ken helpim long karim aut edukesen long olgeta skul level na stretim dispela hevi.

Em i tok ol i mas karim aut gutpela skul infrastraksa sevei long kisim beslain data o ripot long ol samting ol skul i mas gat long en, wantaim infrastraksa, na ol lokal komyuniti i mas stap papa long skul wantaim ol gutpela polisi na lo long strongim ol long lukautim skul.

Em i tok wantaim dispela tupela plen bai ol i ken kisim helpim long ol praiwet ogenaissen o gavman. Dispela i ken mekim ol komyuniti long save long lukautim ol samting, na stap long strong bilong ol yet.

Gavman i mas givim moa sapot long CHW

James G. Kila i raitim

NESENEL gavman wantaim Nesenel Helt Dipatmen mas givim moa luksave na putim moa mani long helpim wok bilong ol komyuniti helt woka (CHW) long rurel ples sapos em i laik lukim gutpela helti populesen long PNG.

Dispela em strongpela salens i kam long Paul Konare, wanpela Komyuniti Helt Woka (CHW) husat i wok longpela taim inap nau em i kamap olsem wanpela nasing opisa.

Dispela strongpela man bilong wok long planti rurel et pos na helt senta long Bogia, Usino-Bundi na Midel Ramu nau i wok long Raikos distrik wantaim Ramu NiCo Menesmen (MCC) long Basamuk Rifaineri, long Madang Provins.

Konare i tok sapos PNG i laik kisim mak bilong Wol Helt Ogenais-esin (WHO) long sait kamapim helti populesen na strongim helt sevis i go daun long ol rurel pipel orait gavman i mas givim moa luksave i go long wok bilong ol CHW.

“Gavman i mas apim pe bilong ol CHW long rurel eria, givim ol gutpela haus na ol risk na patrol alawens long mekim ol i stap na

wok long ol rurel etpos long ol bus ples insait long kantri.” Em i tok.

Konare i sapotim toktok bilong Minista bilong Nesenel Plening na Monitaring, Charles Abel, insait long Wantok Niuspepa las wik, olsem i gat bikipela nid bilong moa CHW insait long ol rurel ples long PNG.

Tasol em i tok planti ol rural etpos insait long kantri i no gat ol yangpela CHW i wok long en. Planti long ol dispela rurel etpos we Australia gavman i wokim pastaim long indipendens i bagarap o brukdaun na i pas na ol manmeri i save bungim bikipela hevi tru long kisim helt sevis.

Em i mekim dispela toktok bihain long em i wok long kisim ol sikman meri na pikinini i go long Basamuk long kisim marasin.

Konare i tok 5-pela rurel etpos i no gat wokman o CHW long en.

Em i tok ol lain husat i wok long dispela ol etpos odeli, (APO) i bilong koloniel taim na ol i lapun na ol i no moa mekim wok. Antap long dispela tu em distrik helt sevis i no save patrol i go long sekim na givim medikal saplai olsem marasin na ol arapela samting long strongim wok bilong ol dispela rurel etpos.

Konare, husat nau i wok olsem

nesing opisa wantaim Ramu Projek moa long 10-pela yia nau i tok gavman wantaim Nesenel Helt Dipatmen i mas givim moa luksave na helpim i go long ol CHW.

“Taim CHW i stap long olgeta rurel ples na givim masin na sut na helpim ol pipel, PNG bai i gat helti manmeri na developmen bilong kantri bai orait,” Konare i tok.

Em i tokaut olsem gavman mas apim pe bilong ol CHW long rurel eria na givim ol patrol alawens na tu wokim gutpela haus-slip bilong ol na famili na tu givim ol moa medikol saplai.

Konare i tok nau yet planti ol CHW i les long wok long ol rurel o longwe ples bikos gavman i no givim inap luksave long wok bilong CHW na givim moa mani long sapotim ol.

Planti ol CHW i laik wok klostu long taun bikos ol i ken kisim gutpela sapot na tu kisim sevis. Sapos ol i stap long rurel eria em planti taim ol i no save kisim gutpela sapot i kam long distrik helt sevis long provins bilong ol.

Konare i mekim dispela toktok bihain long em i lukim olsem 5-pela rurel etpos long Raikos distrik i pas bikos Raikos distrik helt sevis i no sapotim ol.



Nesing opisa Paul Konare salensim gavman long givim moa sapot long ol CHW. Poto: James G.Kila

Dispela 5-pela etpos tu i pas bikos no gat wokman o CHW i stap long ol. Lapun etpos odeli (APO) i ritaia na no gat man o meri i go kisim ples bilong ol. Antap long en

tu etpos i go bagarap na distrik helt sevis i no go stretim na givim saplai o putim wokman long lukautim dispela et pos.

Kaikai buai bai kamapim kensa

Speselis dokta bilong Saina, Dokta Zhang Jingsong i tok, olsem pasin bilong kaikai buai tumas long PNG em i wanpela as bilong kisim kensa long maus.

Dokta Zhang i bin toktok wantaim Wantok Niuspepa na i tok olsem, em yet olsem wanpela speselis dokta bilong stretim maus na pes, em i lukim planti manmeri i kaikai buai tumas long Pot Mosbi na em i gat bikipela wari long maus bilong ol.

Dokta Zhang em i tim lida bilong ol 8-pela dokta speselis bilong Saina husat i kam long wok aninit long Pot Mosbi Jeneral Haus sik inap long tupela yia long helpim PNG helt kea.

Em i tok, “Ol lokal pipel i no ken kaikai buai, bikos ol inap long kisim kensa long maus.”


Em i givim tok stia olsem, sapos wanpela man o meri i lukim sua i stap long maus i winim 3-pela mun, em i mas hariap long go sekim. No gut em i stat bilong maus kensa.

Em i tok, na sapos

sua i go bikipela na siklain i laik go long haus sik, ol dokta i ken traim long stretim

buai,” Dokta Zhang i tok.

Olsem na stopim buai long Pot Mosbi



Dokta Zhang Jingsong Tim Lida na Oral Maxillo-Facial Surgeon.

tasol, kensa i ken kamap gen na bai kilim ol i dai.

“Buai, daka na kambang, olgeta tripela samting i gat strongpela kemikal samting we inap long bagarapim maus, olsem na mi tok strong olsem ol pipel i no ken kaikai

Siti i no bilong gutpela lukluk bilong siti tasol, nogat.

Em i bin stopim ol kain sik olsem maus kensa, kensa long nek na tang na tu long stopim sik T.B long kalap i go i kam hariap.

Ol Dokta i no gat mak i helpim PNG long sik T.B

Frieda Sila Kana i raitim

RIPOT bilong Ol Dokta i no Gat Mak (MSF) long dispela wik, i tok TB long PNG i save kilim i dai 150,000 manmeri na i gat 25,000 lain i save kamap wantaim sik T.B long wan wan yia.

Dispela kain ripot i bin kamap long wanpela nius bung i kamap long Pot Mosbi long Tunde dispela wik.

MSF em i wanpela helt ogenaisesen bilong kantri France we i save helpim ol pipel husat i kisim bagarap o sik long taim bilong bikipela pait na hevi bilong bagarap long win, ren, graun i bruk, maunten paia na ol kain hevi olsem long wol.

Ol i bin stat wok long PNG long 1993 long taim bilong Bogenvil pait na bihain taim sik Kolera i bin kamap long Morobe em dispela taim ol i mekim bikipela wok painimaut na givim marasin na mekim wok bilong daunim dispela sik long provins.

Nau long dispela taim MSF i stap long Tari, Morobe, NCD na Galp Provins long wok bilong helt na long helpim ol lain husat i kisim hevi long pasin bilong pait na bagarapim ol meri.

MSF i mekim bikipela wok wantaim Helt Dipatmen long Galp (Kerema provinsal haus sik) na NCD (Gerehu provinsal haus sik), long traim long



Dokta Paison Dakulala i toktok long taim bilong MSF i singautim bung bilong sik T.B

daunim namba bilong sik Tuberculosis (T.B) long kantri.

Hed ov Misin bilong MSF long PNG, Dokta Benjamin Gauden i tok, Wol T.B de i wok long kam klostu nau olsem na MSF i laik mekim sampela toktok long nius midia long kamapim luksave moa long dispela hevi we nau em i stap wantaim ol pipel bilong PNG.

Insait long dispela bung em NCD Helt Menesa, Gary O’ou wantaim Deputi Seketeri bilong Helt Dipatment, Dokta Paison Dakulala i bin stap long strongim toktok bilong wok poroman wantaim ol MSF.

Mista Gary i tok em i namba wan taim long NCD Provinsal Helt long wok wantaim MSF na NCD i gat bikipela laik tru long mekim dispela wok.

Em i tok T.B em i bikipela hevi tru long tripela provins em long NCD, Galp na Westen.

“NCD em i narakain bikos em i siti bilong olgeta kain lain pipel husat i gat kain kain kalsa. T.B i kisim longpela taim long kamap bikipela long kisim mak nau em i stap long en. Olsem na em bai nidim wankain taim long painim we bilong daunim,” Mista O’ou i tok.

long sik T.B i go long ol pipel long ol kain tok ples we ol inap long save na lainim long en, kisim tingting bilong ol atoriti na kisim ol rait samting bilong wok long rait taim.

Dokta Gaudin i tok, wok bilong daunim sik T.B i bungim planti bikipela rot blok olsem, no gat inap manmeri long wok, ol ples i stap longwe na i no gat gutpela rot transpot, helt sistem i no gutpela tumas, pasin bilong lukdaun long ol husat i gat bikipela sik T.B, hevi bilong nupela kain bikhhet stail bilong sik T.B we ol siklain i save lusim marasin na ol i kisim na planti narapela hevi i stap.

Dokta Paison Dakulala i tok namba wan we bilong pait na daunim dispela sik em long olgeta pipela, ogenaisesen, sios, gavman na husat i stap long kantri olsem ol dona ejensi i mas wok bung wantaim na putim han wantaim.

“Yumi mas daunim mak bilong kisim sik T.B i go daun long 85 pesen we WHO i putim, tasol long PNG em yumi no kamap long dispela mak yet.

Olsem na yumi mas wok strong long painim husat i gat sik T.B na givim marasin na em i no ken go long narapela lain,” Dokta Dakulala i tok.

Wantok Niuspepa bai ranim moa stori long T.B long wik bihain.

Ol meri bai soim ol prodak



Ol meri long Sentrel Provins i rejista long dispela mini ekspo.

Esther Bralyn Wani i raitim

OL meri bai soim ol prodak we ol yet i save mekim long pablik taim long ‘PNG Wimen in Bisnis (PNG-WIB) Mini Ekspo’ i kamap long 20 i go inap long 24 Mas, long Festival Viles long Waigani insait long Pot Mosbi.

Eksekutiv Dairekta bilong PNGWIB, Janet Sape i tok PNGWIB mini ekspo bai soim ol sevis na ol samting na ol bisnis bilong ol wantaim ol narapela meri.

Em i tok i gat gutpela samting ol meri i mekim long han, na ol bai soim ol profesenel wok ol PNG meri save mekim.

Em i askim olgeta ol lain i stap long NCD long sapotim dispela so na givim strong long ol meri.

“Givim strong long ol meri long ikonmik indipendens i namba wan samting long daunim pasin bilong no gat mani na kaikai, na mekim gut sait bilong sosio-ikonmik na, gutpela sindaun bilong ol famili na kantritu,” Janet Sape i tok.

Em i invaitim ol sivil sosaiti, praiwet sekta, na ol narapela husat i sapotim ol meri long soim ol sevis bilong ol long pablik tu.

Long soim ol prodak bilong ol long Festival Viles bai ol meri i baim K100 long yusim ol

morata haus na K50 long yusim ol ten o sel haus long wanpela de.

Misis Sape i tok ol meri i ken karim ol samting olsem mat, basket, bilum meri klos, nekles na ol stail kaikai olsem aigir bilong Tolai na mekim ol kek na tu ol kain kain stail flawa we ol i save planim.

Em i tok moa olsem husat i soim stail bilum bai ol i makim em long mekim 3,000 bilum bilong Saut Pasifik Gems.

Dispela mini ekspo bai redim ol meri long bikpela PNGWIB ekspo we bai i kamap long Julai 1 i go inap long 14, long wankain taim wantaim Pasifik Gems.

Nupela sapot bilong pait long famili na seksual vailens long Bogenvil

AUSTRALIA bai givim PGK3.5 milien long mekim wok bilong ol Bogenvil Meri husat i save pait long Rait bilong ol Pipel, long go bikpela na long kamapim ol edvokasi program long ol jenda bes vailens long Bogenvil.

Minista Kaunsila Rod Hilton, bilong Australia Hai Komisen PNG, i tokaut long sapotim Intenesenel De bilong ol Meri brekfas we ol Bogenvil Wimen

Federesen long Buka i go pas long en long Mas 12.

Nazareth Senta bilong kamap Orait, bai givim nupela program bilong sapotim, projek wok ol i kolim, ‘Kisim Jenda Bes Vailens i go long Jastis na mekim orait’, wantaim helpim bilong Intenesenel Wimen Developmen Ejensi.

“Ol wok bai strongim ol wok bilong ol Bogenvil Human Rait

Difenda long givim krais sevis, kamapim gutpela riferal netwok sevis na mekim gut wok ples bilong ogenaísesen bilong Nazareth Senta bilong kamap Orait, long helpim ol dispela program,” Mista Hilton i tok.

“Nupela program bilong edvokasi o tokaut, bilong ol man, bai traim o senisim ol pasin bilong jenda bes vailens.”

Australia i wok wantaim

Atonomas Bogenvil Gavman long investim AU\$14 million insait long 5-pela yia long moa program bai kamap long mekim gutpela jenda ikwaliti wok long Bogenvil.

Program bai lukluk long sapotim meri lidasip, wantaim Bogenvil Wimen Federesen; daunim pasin bilong paitim ol meri; na long strongim wok bilong kamapim mani.



Yut, Meri na Famili
Pastor Barbara Lunge

Yu redi long go long hel o heven?

YU redi long go long hel o heven? Heven em i ples bilong ol lain husat i redi long go. Olgeta narapela pipel husat i no redi bai pinis long hel tasol na stap oltaim, oltaim long hap.

Wanem kain we bai yumi redi long go long heven? God i laikim tumas ol manmeri bilong dispela graun, na em i givim wanpela pikinini man bilong en tasol na husat lain i bilip long em bai i no inap lus tasol bai ol i kisim laip oltaim long heven. Kamapim Tok Hait 20:15 “Na olgeta manmeri, nem bilong ol i no i stap long buk bilong laip, ol i tro-moi ol tu i go daun long bikpela hul i gat paia.”

Yu mas kamap nupela gen long go insait long kingdom bilong God. Samting i kamap long bodi em i bilong bodi na samting i kamap long spirit em i bilong spirit. Bihain long yu kamap nupela gen long spirit, yu mas kamap bikpela long spirit.

I gat sampela samting yu mas mekim long kamapim spirit laip bilong yu. Pas-taim tru yu nidim kaikai bilong spirit em Tok bilong God. Namba tu yu mas tok-tok wantaim papa bilong yu i stap long heven. Em long pasin bilong prea. Namba tri yu mas tokim narapela long Krais. Long dispela we em yu redi long go long heven.

Toksave: Sapos yu wanpela mama i gat wari, tingting planti, o bel hevi yu ken raitim pas long dispela adres na fon namba. Barbara Lunge, ROGIM, P.O. Box 3063. Boroko. NCD. PNG, o ring long 70995378 o salim email long: lungeb37@gmail.com



Nasaret Senta i op long Bogenvil.

Sios i stap insait long yumi wan wan

Anna Solomon i raitim

Asbisop John Ribat i wok long raun nau long ol Katolik peris insait long Mosbi Asdaiosis na bungim peris pris wantaim ol bilipmanmeri.

Em i bin kamap long St Peter Chanel peris Erima long Sarere 7 Mas we em i bungim ol memba bilong peris kaunsil na ol arapela manmeri na toktok na harim tingting bilong ol.

Long Sande moning em i bin go pas long misa we em i blesim ol nupela peris kaunsil eksekutiv wantaim ol arapela lida bilong ol besik Kristen komyuniti na ol arapela divosenel grup lida bilong peris. Long homili bilong em, As-

bisop Ribat i tokim ol pipel bilong Erima olsem ol i hatwok long sanapim nupela haus lotu na ol i winim mak na nau ol i lotu insait long en. Tasol em i salensim ol long skelim gut pasin bilong ol na karim sios i go long komyuniti bilong ol na mekim wok bilong Krais.

Asbisop Ribat i tok sios i no wampela haus we ol pipel i kam bung long lotu tasol, nogat. Em i tok sios em i stap insait long bel bilong wan wan manmeri. Na ol i mas soim trupela Kristen pasin long ol arapela manmeri long komyuniti bilong ol.

Em i tok long taim ol i mekim olsem, bai ol i soim tru olsem sios i stap laip na laik pasin bilong Krais i go aut long olgeta manmeri.



Asbisop John Ribat i bin opim nupela haus lotu bilong St Peter Chanel, Erima long las yia. Poto Veronica Hatutasi

Morobe provinsal gavman laikim ripot bilong Lutheran yunivesiti

GAVANA bilong Morobe, Kasiga Kelly Naru i tokaut long las wik olsem tupela Lutheran Sios i no givim yet bisnis ripot bilong nupela Lutheran yunivesiti projek i go long Morobe provinsal gavman.

Kasiga Kelly Naru i tokaut long dispela bikos Morobe provinsal gavman i givim K2 milien long dispela projek, tasol long nau yet em i no kisim fainensel ripot long wanem rot ol i yusim mani,

Mista Naru i tok provinsal gavman i wetim yet sios long givim fainensel ripot bilong

projek bikos em i givim helpim mani na mas save long wanem samting i kamap.

Em i tok em i kisim sampela ripot pinis long wanem wok i kamap, hamas mani ol i yusim na hamas moa ol i nidim. Tasol bikpela samting Morobe provinsal gavman i wetim em long ripot long straksa bilong yunivesiti senta.

“Mi laik save husat em ol papa bilong dispela institusen. Mi laik save husat bai stap olsem papa bilong yunivesiti, na mi laik save wanem kain rot dispela yunivesiti bai ran,” Ga-

vana Naru i tok.

Em i tok olgeta stekholda i laik lukim dispela projek stat wok bilong dispela yunivesiti na olgeta samting bilong wok redi i mas kamap stret.

Tupela het bisop bilong tupela Lutheran Sios long kantri i tokaut olsem dispela Lutheran Yunivesiti bai kamap long taim stret.

Evanjelikel Lutheran Sios (ELC-PNG) Het Bisop Giegere Wenge na Gutnius Lutheran Sios Het Bisop David Piso i toksave olsem wampela kwaliti na narakain Lutheran Yunivesiti

we Sios i wok wantaim Morobe Provinsal Gavman bai redi klostu taim nau.

Tupela het bisop i tok ol i bung wantaim Opis ov Haia Edukesen na Lutheran Yunivesiti projek edministresin.

Ol i tok tu olsem fainensel ripot em ol pablik dokumen o ripot we i stap ples klia taim projek i stat.

Ol i tok tupela Lutheran Sios i wok olsem wampela patna na wok aninit long marimari bilong Papa God long lukim dispela projek i kamap gut na karim kaikai.

Yumi lotu long God long maus o wantaim bel?

YU save lotu long God Bikpela bilong yu wantaim maus tasol ol yu save lotu long bel bilong yu?

Em i no inap long yumi mekim ol wok lotu tasol na yumi no lotu tru long God bilong yumi. Maski sapos God yet i putim ol lo bilong lotu, olsem em i save mekim wantaim ol Israel, ol i no min wampela samting long en.

Ol i mas lotu long em wantaim bel bilong ol, wankain olsem long maus bilong ol. Tasol sapos ol i kolim nating long maus na i no mekim tru long bel, em i kolim ol giaman kusai lain.

Yumi ritim long Matyu 15:8-9. Em i tok olsem, ‘Ol dispela lain manmeri ol i save litimapim nem bilong mi long maus bilong ol, tasol bel na tingting bilong ol i stap longwe tru long mi. Ol i save autim lo bilong ol man tasol na tok. “Dispela em i tok bilong God.” Olsem na ol i lotu nating long mi.”

Wankain olsem ol lain Juda (Israel) long taim bilong Jisas, ol i no bin klia long as tru bilong mekim lotu long God.

King Devit i tok klia long pasin bilong lotu we God i save laikim.

“Yu no laik bai mi bringim abus bilong mekim ofa long yu. Sapos mi kilim abus bilong ofa na paia i kukim olgeta, maski, yu no amamas long dispela. Orait God, mi daunim mi yet na mi stap aninit long yu. Dispela em i ofa bilong mi. Mi save, yu no givim baksait long man i pilim hevi long sin na i daunim em yet.” Buk Song 51:16-17.

Tupela bikpela samting bai God i blesim yumi long en, taim yumi lotu long em long spirit na long pasin i tru, em gutpela tingting na ol gutpela samting i dia tumas.

Olsem na yumi ol pipel bilong Papua Niugini i mas tok sori long yumi no save lotu long God wantaim bel bilong yumi, na tanim tingting na bel bilong yumi i go long God.

Toksave: Sapos yu husat i gat wari, tingting planti, o bel hevi yu ken raitim pas long dispela adres na fon namba. Barbara Lunge, ROGIM, P.O. Box 3063. Boroko. NCD. PNG, o ring long 70995378 o salim email long: lungeb37@gmail.com

Tulele Peisa kisim UN prais

... Katolik Sios na Tinputz komyuniti kisim luksave

LUKSAVE i bin go long Katolik Sios na ol komyuniti long Tinputz long not Bogenvil long bikpela na gutpela helpim ol i givim i go long ol Carterets Ailan pipel long sindaun long nupela ples long bikples Bogenvil.

Ol Carterets Ailan pipel em ol namba wan klaimet senis refuji long wol we hevi bilong klaimet senis i bagarapim ol taim solwara i go insait long ol liklik ailan na karim graun, bagarapim ol gaden kaikai na ol ples.

Long dispela wik Mande, Tulele Peisa em wampela komyuniti beis non gavman ogenaiesen we i wok long helpim long kisim ol Carterets Ailan pipel i go long nupela ples long Tinputz i bin kisim luksave awot ol i kolim long “Equator Prize” long hetman bilong ol Yunaitet Nensens (UN) ejensi long PNG.

Ursula Rakova em wampela save meri bilong Carterets Ailan yet i go pas long dispela NGO i bin makim ogenaiesen bilong em long kisim prais insait long wampela seremoni ol i bin holim long Arawa, Sentral Bogenvil, long dispela wik.

Ol Carterets komyuniti long Tinputz na Arawa, ol lain i makim Carterets na Tinputz Kaunsil bilong



CARTERETS KOMYUNITI: Ol Carterets komyuniti long Tinputz na Arawa i bung long kisim poto pastaim long ol i statim seremoni.

ol Elda, Sif Seketeri bilong Atonomas Bogenvil Gavman (ABG), Dairekta bilong Sastenebol Program Wing bilong Konsevesen na Envairomen Proteksen Atoriti na

UN i bin stap long dispela seremoni long Tulele Peisa i kisim awod o luksave.

Tulele Peisa i bin kisim awod olsem sempion bilong ol namba

wan klaimet senis refuji program ol komyuniti yet i statim na ranim. Na i go pas long putim ol pipel long Carterets Ailan we solwara i wok long karim ailan bilong ol i go long

narapela seif hap long bikples Bogenvil

Ol pipel i bungim hevi long solwara i karim ples bilong ol na ol i sot long kaikai na ol arapela hevi moa, dispela NGO i go het na mekim wok long painim ples na salim ol klaimet senis refuji bilong Carterets Ailan i go long nupela ples long bikples Bogenvil.

Dispela wok we komyuniti beis ogenaiesen i wokim i soim gutpela modol o piksa we ol arapela liklik atoll ailan komyuniti long rijon i ken bihainim. Tu, i ken helpim long kamapim gut inta ailan tred, laip na sindaun bilong pipel.

“Mipela i amams olsem visen o driman bilongh ol kaunsil bilong ol elda bilong mipela long painim rot long ol pipel bilong Carterets Ailan i kisim luksave, na mipela i luksave long helpim mipela i kisim yet long ol komyuniti long Tinputz na Katolik Sios husat i givim mipela ples bilong sindaun na i lukautim gut mipela.

Mipela i bilip olsem dispela luksave long intanesenel level bai kisim i kam moa sans long ol patna we mipela i ken wok wantaim long sindaunim ol pipel i go long nupela ples,” Mis Rakova i bin tok.


Ol kontrakta i mas bihainim stretpela na trupela rot bilong kisim kontrak



I gat stretpela pasin bilong kisim kontrak long gavman long sanapim ol haus, o wokim rot o stretim ol olupela haus ol bris o ol kain kain wok. Pastaim long wok i kirap, I mas gat pablik tenda na olgeta lain i mas wanbel na sainim tok orait pastaim orait wok i ken stat. Olgeta wok bilong gavman na ol bisnis na ol praivet manmeri tu i save bihainim dispela stretpela rot bilong kamapim wok. Mekim olsem bai i no gat disput i kamap bihain na bai i no gat belpen na kot i kamap.

Long dispela wik, sampela liklik kontraka long Mosbi i kirap nogut long harim olsem gavman bai i no inap luksave long wok ol i mekim aninit long RESI Program bilong Edukesen Dipatmen namel long 2007 na 2009 na long stretim ol haus laibreri insait long NCD long 2012. Ol i bin mekim ol dispela wok aninit long Rihebilitesen Edukesen Sekta Infrastraksa (RESI) long planti skul insait long NCD. Long taim Edukesen Dipatmen i no luksave long ol kleim bilong ol, planti bilong ol i lusim wok bilong sanapim ol klasrum. Tude i gat planti ol klasrum i sanap nating we wok i no pinis na san na ren bai klostu i bagarapim ol.

Ol kontrakta i strongim poin bilong ol na tok ol i lusim bikipela mani tru long wok bikos ol i kisim kontrak long Edukesen Diptamen na ol i mekim wok. Mak bilong kontrak i winim planti milien Kina. Sampela i tok tru olsem ol i bihainim stretpela rot bilong kisim tokorait na ol i stat. Tasol i gat sampela husat i hait na traim long putim ol giaman kleim bilong ol tu i go insait. I gat toktok i kamap tu olsem sampela pablik sevan long



Sori tru, NEC tok nogat long peim yu-pela..Sampela em ol giaman kontrak tasol. Lusim dispela Fincorp eria na go bek long haus!

TAPO

ol gavman dipatmen i helpim ol dispela giaman lain long strongim kleim bilong ol.

Klostu 8-pela yia i lus pinis na nau gavman i tokaut bai em i no

inap baim ol dispela kontrakta. Dispela i strongpela toktok na em i olsem strongpela tok lukaut tu i go long ol lain i save givim sevis i go long ol gavman dipatmen. Bi-

hainim stretpela pasin bilong kisim kontrak. Sapos kontrakta no mekim olsem bai i no gat luksave long ol invois o kleim bilong em. Dispela pasin i soim ples klia tu

olsem sistem bilong givimaut ol wok bilong gavman i no ran gut. I gat lo bilong tenda we i tok ol kontrak i winim mak bilong sampela tausen o milien Kina, i mas go long pablik tenda bipo long ol i givimaut wok. Sampela i save bihainim na sampela i no bihainim bikos ol i tok mak bilong kontrak i daunbilo olsem na i no gat as long putim long pablik tenda. Em ol dispela kain kontrak i save opim rot bilong pasin korapsen na braiberi i kam insait.

Dispela eksampel bilong ol kontrakta long Mosbi em wanpela tasol. I gat ol kain pasin olsem i kamap long ol arapela gavman dipatmen long planti hap bilong kantri. Husat i asua long taim kain hevi olsem i kamap? Ol kontraka i rong o ol opisa husat i givim tok orait i rong? Na long taim wok i kamap, ol opisa bilong gavan dipatmen i save raun long sekap tu o nogat. Na long taim ol invois bilong baim kontrakta i kamap, ol i go sekap long kwaliti bilong wok tu o nogat? Dispela em sampela samting ol opisa i slek long mekim na disput i kamap long taim kontrakta i strongim kona bilong em long kisim mani.

Gavman i tokaut pinis bai i no gat pe. Orait i mas gat sampela rot long pinisim planti ol klasrum em ol kontrakta i no bin pinisim na i sanap nating i stap. Sapos Edukesen Dipatmen i no gat mani, orait wan wan memba bilong ol ilektoret long NCD i mas givim mani long pinisim wok. Fri edukesen i mekim na i no gat spes long planti komyuniti skul. Ol i nidim moa klasrum na i gutpela long pinisim ol dispela klasrum na bai i gat spes long ol pikinini i ken skul gut.

PNG meri haitim bebi long Manila ples balus

WANPELA meri Papua Niugini husat i wari long liklik bebi boi bilong em husat i gat tupela mun tasol, i haitim em long hanbek bilong em na i laik kalap long balus long Manila NAIA ples balus, Filipins tasol ol sekyuriti kamera i lukim na ol sekyuriti gat i holim em.

Dispela meri em nius bilong Filipins i tok, dispela meri, i gat 26 krismas bilong bilong Papua Niugini na em i bin stap long Filipins olsem wanpela skul nes meri.

Dispela meri i bin laik haitim bebi bilong em bikos, bebi i no gat ol maigresen pepa long em i ken lusim kantri Filipins na kam long Papua Niugini. Bebi bilong dispela meri i bin kamap long Filipins tasol i no gat ol pepa long



Phillipines bles balus we ol i holim PNG meri we i laik karim bebi i kam insait long rop sek.

kalap long balus.

Ol woklain bilong Opis bilong Transpotesen Sekyuriti long NAIA ples balus i wokim las sekap long X-re masin kirap no gut long lukim kompiuta skrin i soim wanpela samting i gat laip i muv i stap in-

sait long raksak bek bilong wanpela pasindia. Hariap tasol ol i singaut long imagresen supevaaisa i kam.

Dispela bebi i bin kamap long 2 Janueri, 2015. Imaigresen opisa Richeielle Cris Claveria husat i bin wokim paspot

bilong em i tok, em i bin soim em yet long sekin long 14 pas 10 long Mande taim ol pepa bilong wokabout i wok long kamap yet.

Claveria i tok Pavolaura i stap long kantri inap moa long 6-pela mun pinis. Em i bin kamap long Filipins long Me 27, 2014 na em i stap inap 59 de tasol na bihain ol i askim em long go bek.

Ol maigresen i bin painimaut olsem tripela de i go pas em meri ya i bin traim long kisim bebi bilong em na go wantaim long balus, tasol ol i stopim tupela long wanem bebi bilong em i no gat ol pepa.

Ol i larim meri ya na pikinini bilong em i go na ol i tokim ol long go lukim PNG embesi long Manila na stretim ol pepa bilong bebi bilong em.



Published Weekly, Thursday, for Word Publishing Company, Ltd.

P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Websait: www.wantokniuspepa.com

Pe bilong wanpela via. 52 niuspepa

Ples:

PNG

AUSTRALIA

ASIA PACIFIC na JAPAN

AMERICA na EUROPE

Air:

K220.00

US\$110.00

US\$150.00

US\$210.00

General Manager

Elizabeth Konga

Editor

Veronica Hatutasi

Published at
Able Building
Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

Bagarap bilong saiklon Pam long Vanuatu

SAIKLON Pam i kilim 24 pipel long Vanuatu na kamapim bikpela bagarap tru long dispela liklik Pasifik Ailan kantri, Yunaitt Nesens i tok. Presiden bilong kantri nau i askim long helpim long stretim ol planti samting i bagarap olgeta. Ol lain i wok long helpim i tok ol i wok long kisim yet ol ripot i kam long ol 65 ailan na bai mak bilong ol pipel i dai i go antap. Ol UN opisa i tok moa long 30 pipel i kisim bagarap taim 24 pipel i dai pinis. *Ol poto: ABC NEWS*



Wanpela famili long Port Villa i sanap insait long haus bilong ol we saiklon Pam i bagarapim.



Wanpela stoa long Port Villa we Saiklon Pam i bagarapim.



Wanpela pikinini i helpim long ol wok klinap bihainim ol bagarap bilong Saiklon Pam we i bagarapim tru ol infrastraksa long ol ailan las Fraide.



Darwin i salim 6-pela lain i go long Vanuatu long helpim long ol imejensi wok long Vanuatu. Grup ol i salim i gat 5-pela dokta na wanpela lojistik opisa husat i wok wantaim Nesenel Kritikel Kea na Troma Rispons Senta long Darwin.




Haus antap i bagarap tru. Daunbilo, haus i bagarap na man yah i stretim ol klos long drai.



Kokonas Diwai i daunim wanpela kar taim saiklon pam i bagarapim Vanuatu.



Wari long dispela bel-mama i klostu karim tasol em bai go we taim i no gat wara, kaikai, pawa nap les bilong stap?



Sain bilong 12-pela enimal na ol yia insait long kalenda bilong ol Saina (Chinese Zodiac).

Ol tambu long 2015 taim Saina i makim Yia bilong Meme

James G. Kila i raitim

NAISPELA ol bilas wantaim retpela kala i pas long wol na dua bilong wan wan rum na tu long rot i go insait long ples slip na kaikai bilong ol Saina mi save wok wantaim.

Mi lukim ol dispela pasin i kamap long wok ples bilong mi long Ramu NiCo (MCC) Kurumbukari (KBK) Main na tu long Madang Inn long taun na mi tingting planti.

Long narapela wok raun bilong mi i go long Basamuk Rifaineri mi lukim wan kain samting na mi tingting planti olsem na mi askim wanpela wanwok bilong mi bilong Saina, Zhang Jiake, na em i stori liklik long mi.

Zhang o mipela yet save kolim inglis nem bilong em 'Jack' i tok dispela yia 2015 long tumbuna na bilip bilong ol Saina na yia bilong meme (goat) dispela enimal save kaikai gras. Na bikos 2015 em yia ol Saina i luksave olsem yia bilong meme, ol i save mekim kain kain ol bilas na doti na ol samting wantaim piksa bilong meme tasol.

Jack i stori olsem long Saina ol i save bihainim kalenda bilong ol yet ol i kolim 'Chinese Zodiac' na insait long dispela ol i save makim ol yia bihainim mak bilong 12-pela enimal. Ol dispela 12-pela

enimal em rat, kau, taiga, rebit, dragon, snek, hos, meme, monki, man kakaruk, dok na pik. Wan wan ol dispela enimal i save makim wanpela yia na i luksave bilong ol dispela enimal i save kamap bihain long 12-pela yia. Dispela yia 2015 em yia bilong meme.

Insait long PNG tude i gat planti Saina tru stap na i gat ol stua na ol kain kain bisnis nabaut, na sapos yu raun na lukluk gut long dua bilong stua bilong ol o long wol insait long stua bai yu lukim retpela piksa long ol i raitim long tokples bilong ol. Dispela ol toktok long piksa i makim meme na wanem gut lak o gutpela samting ol lain ya i laikim i mas kamap long ol insait long 2015.

Jack i tok olsem long Saina stat long Februeri 18 na kam olsem ol manmeri i bilasim na putim ol retpela piksa i gat stori bilong meme long olgeta hap kona bilong taun bilong ol. Ol i putim long ples olsem benk, ol bikpela haus, ples bilong malolo long soim meme na wanem bilip ol i gat olsem meme bai bringim long laip bilong ol long 2015.

Olgeta dispela ol piksa na toktok long tokples Saina em retpela kala i karamapim na bilasim gut stret.

Ol Saina i save gat spesel lam ol i save hangamapim na putim batri na lait i save mekim dispela lam i hangamap

na mekim ples i luk nais tru.

Jack i stori gut na i givim mi sampela infomesen mi serim wantaim yupela ol brata susa long PNG olsem ol pipel bilong Saina i gat longpela histori tru we i go bek planti tausen yia. Dispela ol pasin na kalsa bilong ol em olpela tru na winim ol waitman olsem long Australia na Amerika na tu ol arapela kantri long wol. Ol Saina i gat strongpela kastom na pasin tumbuna we i narakain tru long Westen laipstail.

Jack i stori olsem olgeta lain Saina i save bilip olsem Spring Festival o stat bilong Luna Nu Yia bilong ol em ol i mas tambu long sampela samting long redi long ol mun na de bilong nupela yia.

Olsem na Jack i stori olsem insait long Spring Festival bilong ol i gat ol tambu o samting ol i no ken mekim. Ol lain bilong Saina long ol rurel eria o viles na hauslain i save bilip strong tru long dispela ol tambu. Em i tok sampela ol dispela tambu em planti ol yangpela long ol bikpela siti i no save bihainim tumas.

Hia em sampela tambu ol i save bihainim pastaim long ol i go insait long Nu Yia bilong Meme:

No ken klinim o wasim gras long het bilong ol insait long fes tripela de bilong nupela yia

Pikinini krai long fes tupela de long

nupela yia i ken bringim taim nogut o birua o no gat laki i kam long famili. Olsem na ol i mas mekim gut stret long ol pikinini o bebi bilong ol long dispela taim.

No ken tru askim long 'dinau' insait long fes tripela de bilong nupela yia. Dispela bai bringim bikpela hevi tru long sait long mani na ol samting.

Narapela samting we i gat bikpela intres long en em retpela andapens. Long Saina ol stua na bikpela supamaketa na strit bai salim retpela andapens tasol long stat bilong Yia bilong Meme. Ol i bilip olsem ol lain mama i karim ol long Yia bilong Meme (1919, 1913, 1943, 1955, 1967, 1979, 1991 na 2003 i MAS werim retpela andapens long 2015. Ol i bilip olsem retpela kala bai rausim ol birua o taim ogut long bagarapim ol.

Beten long tempol o bikpela haus lotu bai bringim gutpela blesing long nupela yia. Long Shanghai, wanpela bikpela siti long Saina, planti tausen manmeri i save go beten long Longhia Tempol long kisim gutpela blesing bilong nupela yia.

Wankain olsem yumi ol pipel bilong PNG, ol lain pipel bilong Saina tu i gat planti kain kain kastom, kalsa na pasin. Olsem na yumi mas save na sampela taim lukluk gut na askim na bai yu save. Maski long paul paul.



Tupela Saina wokman Dylan Guo na William i redim retpela lam bilas long hangamapim fran long 'Glass Haus' bilong Ramu NiCo (MCC) long Madang.



Tupela yangpela Saina man Zhou Pan na David i bilasim fran long haus-slip bilong ol wantaim retpela mak bilong meme. Foto: James G. Kila

Stori bilong tumbuna



Klaut i pairap

Wanpela taim wanpela sotpela strongpela man i stap. Em i tingting long go long bus long painim abus. Em i go raun long planti hap bilong bus na bihain em i tait na hangre. Em i sindaun malolo na kaikai kaukau bilong em.

Wantu wanpela man i gat longpela gras i kam na i laik kilim em. Tupela i pait nogut tru. Sotpela strongpela man i gat paitim man i gat longpela gras na em man i gat longpela gras i tok, “Pinis, inap pinis, brata bilong mi! Yu kam wantaim mi.”

Na tupela wantaim i go antap long wanpela maunten i sanap stret tru. Antap long dispela maunten i gat wanpela liklik haus i nais tumas. Dispela haus i narakain tru na em i bilong dispela man i gat longpela gras. Long arere bilong dispela haus i gat wnapela naispela liklik gaden i stap. Bihain dispela man bilong bus i tok, “Nau long dispela de yu no bin kisim abus long wanem mi no bin laik.” Na em i tokim em, “Yu putim het bilong yu i go daun long taim mi go ausait.” Na sotpela man i mekim olsem.

Man bilong bus i go ausait na em i mekim ol sampela kain tok papait na bihain em i tokim arapela man long lukluk antap. Sotpela man i lukluk antap na em i lukim planti ol kain gutpela abus i stap.

Busman i givim sotpela man wanpela papait banara wantaim wanpela pik na ol sampela arapela kain samting pinis na i tokim em olsem: “Nau yu ken go long ples bilong yu. Tasol yu no ken larim brata bilong yu long lukim banara bilong yu. Yu mas sut long dispela banara long taim yu go long pait wantaim ol arapela man. Kilim dispela pik na kukim hat bilong em long givim gutpela smel long mi. Na yu no ken kaikai dispela hat bilong pik.”

Em i givim wanpela kain lip long em na i tok em, “Em dispela lip yu mas planim long dua bilong nupela haus bilong yu.”

Em sotpela man i go long ples bilong em na i no longtaim i bin i gat wnapela bikipela pait i bin kamap. Sotpela man i kisim banara bilong em na i go long dispela pait. Em i pait na i kilim planti man moa. Klostu em i pinisim olgeta. Ol arapela man long sait bilong em i lukim dispela na ol i tingting planti. “Em dispela man i kisim dispela banara we? ol i tok.

Wanpela de liklik brata bilong em i hait tasol i go na i stilim banara bilong em. Bihain man bilong banara i go long kisim banara bilong em, tasol banara i no stap. Bel bilong em i hat nogut tru long wanem em i save i no gat arapela man, em brata bilong em yet i bin kisim. Em i kirap i go na pait wantaim em. Bihain long pait liklik brata i ranawe i go long arapela hap.

Tulait long moningtaim, sotpela man i kilim pik em busman i givim em. Em i katim hat bilong em na kisim igo long haus tambaran. Taim em i kukim dispela hat long givim ofa long busman, em i lukim wanpela liklik pisin i flai i kam na i sindaun long haus tambaran.

Em dispela busman i tewel bilong papa tru bilong em i bin dai bipo. Taim tupela brata i bin pait, i bin i gat bikipela pairap. Olsem tasol taim mipela i harim klaut i pairap, mipela i save em tupela brata i pait gen.

Sakaip

Raun wantaim Wantok kru ...

Kain kain pilai save stap long ol pikinini

Nicky Bernard iraitim

AMAMAS em i bikipela samting long laip bilong ol pikinini sapos ol i bungim ol nupela poroman ol i skul wantaim o ol i slip klostu long wanpela banis.

Sapos ol i skul wantaim na stap long we, bai amamas bilong ol i stap long skul. Long moning

ol bai pilai liklik na bihain ol i go insait long klas rum.

Long apinun tu bai wankain. Ol bai kam aut sait long klas, bai ol i pilai na amamas liklik na bihain ol i go long wan wan haus bilong ol.

Sapos ol i kam hariap long haus bai ol i wetim ol narapela poro bilong long ol narapela skul kam na bai ol i mekim save gen

pilai na amamas inap tudak i kisim ol.

Dispela ol pikinini i save gat ol kain kain pilai bilong ol. Ol i pilai tas pegi o hoki na sampela taim bai ol i sindaun na stori long wanem gutpela piksa ol i lukim.

Ol pikinini meri tu bai wankain, tasol sampela pilai bilong ol em ol pikinini man i no save pilaim. Em ol kain pilai

olsem rababen o skip long rop. Dispela bai ol pikinini man bai hat tru long pilai.

Long taim bilong skul malolo, kain kain tingting bilong amamas i save kisim ol. Ol bai askim papa mama long kisim ol i go long nambis o kisim ol go amamas long lukim piksa. Dispela ol tingting bilong amamas i save pulap stret long het bilong ol.



Ol liklik meri i pilai raba ben. 2 Ol pikinini man i sindaun long wanpela diwai bruk na stori i stap.



Voice In The Wind kamapim nupela albam

YOU Are The King em nem bilong nupela Albam bilong biknem Gospel ben bilong Oro tasol ol stap long Mosbi, em Voice In The Win(VITW).

VITW i katim planti singsing lotu pinis wantaim ol bikipela stidio insait long Mosbi na dispela em i wanpela nupela gen ol katim o rekotim.

Planti bilong ol ben memba i kamap pasta na mekim wok misin long Mosbi na Oro na

dispela nupela albam bai pulim yau bilong planti manmeri.

Planti manmeri save bihain ol lotu singsing bilong VITW, tasol ol i bin stap aut long musik bisnis longpela taim liklik. Dispela nupela albam i mekim kam bek bilong ol.

Planti singsing bilong ol long ol olupela albam i save pulim yau na tingting bilong ol manmeri long senis laip bilong ol.

Planti ol singsing bilong ol tu ol singim

long tokples bilong ol Oro, Tok Pisin na Inglis.

Ol bai lonsim dispela albam bilong ol long dispela wiken Sarere long Anglican haus lotu long Is Boroko long Mosbi. So bai stat long 1pm na pinis long 5pm long apinun.

Sapos yu wanpela i save laik tru dispela gospel ben, yu ken go lukim ol i pilai laip long Sarere na kisim nupela albam bilong ol taim ol i lonsim.

Buai tambu givim sans long salim kaikai

Nicky Bernard i raitim

HELEN Kamana em meri Goroka long liklik ples Lufa. Em i bin wok meri long Abel kamputing bipo tasol dispela liklik mani em save kisim long potnait i no inap long em na liklik famili bilong em.

Helen lusim wok olsem klina klostu 3-pela yia nau na go bek long haus bilong em 6-mail long Mosbi na stat mekim liklik binis bilong em long salim buai. Em save mekim gut mani stret long salim buai tasol taim Gavana Parkop i stopim buai long Mosbi, dispela givim Helen hat taim liklik tasol em sindaun na tingting long kamapim narapela liklik binis long helpim famili bilong em.

Em kisim bas na kam bek long olupela wok ples bilong em long Abel na askim ol wanwok bilong bipo olsem em bai kam salim kaikai. Ol wanwok bilong em i wanbel long tingting bilong em.

Helen i no moa westim taim, em

go painim liklik kaikai bilong em long liklik mani em mekim bipo long buai i tambu long Mosbi siti.

Em baim ol kaikai bilong em na makim wan wan de bai em kukim na karim kam long olupela opis bilong em. Long namba wan de Helen i no mekim mani tumas olsem na em askim ol save pes bilong em long dinau na pei wik bilong ol em bai kam kisim mani.

Dispela i mekim orait stret long Helen na em i no save westim kaikai bilong em. Olgeta wik em save kuk tripela o 4-pela de na taim pe wik kam em save go tasol na kisim mani bilong em na go baim nupela kaikai bilong narapela tupela wik.

Dispela liklik kaikai binis bilong em tu nau i go bikipela na planti wok manmeri i stap klostu long Abel komputa opis save go baim kaikai tu long em.

Helen i save salim kaikai bilong em long K10 long wanpela plet na taim kaikai bilong em save swit ol manmeri save dabolim plet.




Helen wantaim pikinini bilong em Joe i sevim kaikai long kemra man bilong Wantok Niuspepa. Poto: Nicky Bernard

TOKSAVE:

WANTOK i askim ol gutpela rida bilong em long salim ol **tumbuna stori** i kam na bai mipela i putim long niuspepa. Sapos stori bilong yu i gutpela na mipela i putim long niuspepa, bai yu winim **K50** we mipela bai salim i go long akaun bilong yu, o salim mobail yunit inap long **K50** i kam long fon bilong yu. Salim nem, edres na mobail namba bilong yu wantaim stori i kam long dispela edres: *Stori Tumbuna, Wantok Niuspepa, C/-Word Publishing Company, P O Box 1982, BOROKO, NCD, PNG o email edres : editorial@wantok.com.pg Telepon namba: 3252500.* Tenkyu

Em nau! Ol pikinini i ken painim rot
i go long ples wantaim Wantok kru...

Sudoku



2	5		3				9
		4		9	1		2
	1		8			4	7
				4	3	9	1
		3				2	
	2	1	6	8			
9		2			8		5
	7		9	2		8	
1					6		9
							2

			9		6		2	1
		4	7	8			3	
6		9				7		
4	9			2		1		
1			6		9			7
		6		5			9	8
		2				9		3
	4			9	3	5		
9	3		5		1			

Ansa bilong Sudoku # 87 na # 88 neks isu

9	8	6	1	2	5	3	7	4
1	2	3	7	8	4	5	9	6
7	4	5	3	6	9	2	8	1
8	6	1	9	3	7	4	2	5
4	7	2	6	5	1	9	3	8
3	5	9	8	4	2	6	1	7
6	1	7	4	9	3	8	5	2
5	9	8	2	7	6	1	4	3
2	3	4	5	1	8	7	6	9

7	1	8	6	5	3	9	4	2
6	4	2	9	8	7	3	1	5
9	3	5	1	2	4	6	7	8
8	2	3	7	4	9	1	5	6
4	9	6	5	1	2	7	8	3
5	7	1	3	6	8	2	9	4
2	6	9	4	7	5	8	3	1
3	8	4	2	9	1	5	6	7
1	5	7	8	3	6	4	2	9


Ansa bilong las wik Sudoku # 85 na # 86

Ansa bilong Kroswod isu 2113

P	A	I	P	L	A	I	N		S	A	R	E	P
A			O		I		E	M	T	I			
I	R	C		A			S	I	O	S		S	P
L	A	H	A	N	I	S			R		D	U	A
O	N	A		Z		A	N	T	I		U		S
T		N	A		T	I				S		P	E
	P			S	O	T		P		M	V	I	L
B	A	L	E	N	S		M	I	S	K	O	L	
I	N	A		O		M	O	N			T	O	P
	G	E	S		B	E	B	I		T			I
I		O	N	A		A		T	U	R	I	S	
S	A	P	L	A	I		I	S	I		E	N	I
A		A				R	E	L	I	S	E	N	N
S	A	R	A	G	A				S	A	N	T	U

M	P	A	I	N	I	M	L	T
H	W	G	J	A	J	D	Y	E
X	O	I	P	I	L	A	I	R
V	D	I	K	A	L	A	P	I
F	J	F	W	F	J	H	U	T

EM ORAIT



Ol wod lista hia:

AMAMAS	PAPAIA
BAGARAP	RAITIM
DAUNIM	ROP
EMTI	SAINA
FEBUERI	SPUNIM
GIVIM	TAITIM
HELPIM	UMBEN
INAP	VILES
JISAS	WANKAIN
KAKARUK	YANG
LIKLIK	
MAKET	
NAMBA	
OKTOBA	
PAITIM	

J	P	H	H	M	G	A	I	Y	S	D	T	J	N	O	R	K	D	L	I
M	V	N	N	F	L	X	L	T	I	Y	N	K	H	E	J	H	R	M	E
R	E	G	D	S	K	W	Z	T	H	S	M	D	E	S	R	U	F	R	R
I	W	O	A	T	A	Q	F	L	N	N	C	R	G	A	J	G	D	H	D
U	O	I	E	L	S	R	O	M	E	X	O	G	I	N	H	J	F	F	V
O	E	U	C	C	M	G	S	V	O	S	L	A	R	J	A	C	E	H	E
O	F	X	O	S	S	I	O	P	O	W	P	A	I	T	I	M	L	E	J
C	S	A	M	E	M	V	J	C	U	A	S	R	R	V	D	Y	B	L	Z
M	I	S	A	S	V	I	H	E	P	N	E	E	O	O	A	S	C	A	P
N	E	P	G	L	S	M	S	G	N	K	I	T	I	W	R	S	S	T	K
T	I	S	F	I	O	A	M	A	M	A	S	M	H	J	T	U	D	T	I
I	E	E	S	P	S	T	A	I	T	I	M	W	C	P	X	B	M	L	S
R	V	M	S	I	E	M	I	Y	A	N	G	I	S	D	S	A	S	I	S
R	K	T	J	L	I	F	S	G	E	F	O	V	I	E	A	G	S	K	M
Y	G	I	M	N	G	E	U	B	E	I	Y	A	K	S	I	A	U	L	S
E	N	H	U	A	L	B	M	M	T	S	N	W	R	P	N	R	A	I	M
F	K	A	H	I	K	U	P	A	H	I	E	F	I	O	A	A	D	K	G
P	D	E	V	J	H	E	L	S	F	V	E	V	M	K	P	P	Z	E	F
Y	O	D	A	C	R	R	T	M	M	P	I	R	A	I	T	I	M	D	R
A	Y	H	E	L	P	I	M	U	I	F	O	K	T	O	B	A	C	S	S

Mi gat wari na mi laikim helpim

Hevi insait long famili na mi laikim helpim.



Dia Laipain,
PAPAMAMA bilong mi i dai pinis sampela krismas i go pinis long birua bilong kar long narapela provins.

Olsem na liklik brata bilong papa bilong mi i marit long narapela provins i bin kisim mi taim mi liklik yet na i gat 8-pela krismas tasol na ol i lukautim mi.

Nau mi gat 21 krismas na mi wokim namba tu yia skul bilong mi long wanpela teseri institusen long kantri. Long lukluk bilong mi, sampela senis mi wok long lukim i narakain na i no olsem bipo taim mi liklik we mi bin stap amamas na groap.

Anti na ankel bilong mi i save komplem olgeta de na tromoim ol toktok long ol samting mi no mekim na mi no amamas long dispela.

Mipela i save go lotu long Pentekostel Sios olgeta Sande tasol dispela i no helpim wari mi gat long em. Taim ol dispela samting i wok long kamap, kasen brata bilong anti bilong mi i bin reipim mi.

Dispela i bin kamap wanpela moning taim olgeta hauslain i bin go aut na lusim mitupela tasol long haus. Em i wokim strongpela toktok long banisim mi long no ken tokaut long dispela samting.

Sampela wik bihain, mi bin go sekap long dokta na painimaut olsem mi gat bel. Mi wan na hap mun pinis.

Mi pret long tokaut long dispela long tupela was papamama bilong mi. Bai mi mekim wanem nau?

Mi laikim sampela stiatok sapos mi rausim bebi long bel o lusim i stap.

SCARED TO TELL

Dia Pren,
MIPELA i wok long harim na long wankain taim tu, kisim planti pas na ol telepon kol long ol yangpela na moa yet, long ol meri husat i bungim dispela kain hevi.

Mipela i sori na i no pilim gut long dispela samting we i wok long kamap long planti ol yangpela pikinini meri bilong yumi long dispela kantri.

Nambawan, mipela i laik tok tenkyu long dispela was papamama husat i

kisim yu na lukautim yu taim trupela papamama bilong yu stret i dai.

Yu tok tupela i bin kisim yu taim yu lukluk yet wantaim 8-pela krismas taim papamama stret i dai na yes, yu bin amamas groap wantaim was papamama.

Nau yu stap long wanpela bikpela skul long kantri tasol yu no save watpo was papamama i sutim tok long yu, maski yupela i save go long lotu.

Tasol wanpela hauslain i reipim na bagarapim yu na yu gat bel nau long haus we yu groap long en. Na nau yu sori i stap.

Pren, mipela i laik bai yu luksave olsem yu stap insait long hevi nau.

Sampela taim, kain situesen i save kam insait bikos ating yumi larim dua long em i kam insait.

Dispela samting i kamap long yu na i ken kamap long ol narapela yangpela meri, maski yu stap wantaim bubu meri bilong yu na ol was papamama o ol lukaut papamama.

Mipela i strongim yu olsem yum mas toktok long wanpela famili memba long hevi i kamap long yu. Mipela i bilip olsem ol papamama i gat rait long save.

Yu tok pinis olsem ol (was papamama) i wok long komplem na sutim tok long yu. Yu ting ol bai amamas sapos yu haitim long ol na ol i harim long bihain taim?

Mipela i laik tokim yu olsem taim yu tokim tupela papamama long hevi yu gat long em, ol i ken senisim pasin bilong ol long yu.

Yu ting olsem papamama em ol i as long dispela hevi i kamap long yu? Mipela i strongim yu long pogivim ol na askim yu long wokim ol plen long bihain taim bilong yu na pikinini bilong yu.

Yumi olgeta i save mekim mistek o asua na lainim long ol.

Na mipela i laikim yu long go het long laip bilong yu bikos mipela i bilip olsem dispela em i rot long bihainim, na no ken wari tumas long situesen bilong yu.

Mipela i save olsem yu no bin ripotim dispela samting long polis, tasol yu mas gat as tingting bilong yu yet long i no mekim dispela.

Yu toktok long rausim bebi, tasol pren, Laipain i no wanbel long dispela bikos em i egensim lo bilong Bikpela na tu, lo bilong kantri.

Sapos yu no klia long ol rait bilong yu o yu pret long toktok wantaim papamama bilong yu, go long Welfea opisa o Kaunseling Ogenaisesen klostu long yu.

Tu, i gat Helpim Desk long planti Polis stesen long kantri. Ol opisa long long ol opis na ol ogenaisesen bai helpim yu etresim hevi yu gat long em.

Mipela i stap long helpim yu sapos yu laik toktok long mipela. Yu ken ringim mipela long telepon namba 326001/3263138/3405832.

Mipela i enkarijim yu long noken bagarapim bebi long bel na tu, go het skul bikos yu tingim, edukesen bai helpim yumi long gutpela bihain taim bilong yumi. i moabeta yu belgut wantaim papamama bilong yu pastaim.

Na wantaim papamama bilong yu, toktok long man i bin reipim yu.

Mipela i strongim yu long go long sios yet wantaim was papamama bilong yu nay u ken gat lewa bai i laik pogivim narapela, laik pasin na harim tok.

Na Papa Antap em Prins bilong g Pis bai lukautim na stiaim yu long laip bilong yu. God i laikim yumi long harim tok olsem ol pikinini bilong em. Ritim Baibel bilong yu long Diutronomi Sapta 26 Ves 16-18.

Mi Pren bilong yu, Laipain

Sapos yu gat wari o hevi, rait i kam long dispela etres: Lifeline Counselling Services, P O Box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.
Laipain

Tok Pilai wantaim Kanage



MP3...

Kanage kalap long Manu na laik go long 4 mail. Em i gat tingting long lukim ol poro bilong em na em i kalap long go lukim ol. Namel long haus sik rot boi laik rausim ges tasol em i lukim olsem planti manmeri na em i sem pipia long rausim long ai bilong ol man.

Tasol musik tu i no isi. Em i pairap nogut tru na i no inap long harim narapela man long bas. Boi kisim tingting na tok em bai bihainim tasol musik na rausim isi isi i go inap em kamap long 4 mail.

Singsing bilong Squatters on na boi bihainim nek wantaim singsing na rausim kabs. Sampela ol bit bit wan tu em i no isi. Kabs bilong Kanage tu i wokim gut tru wantaim musik. Kamap klostu long 4 mail na em i pinisim stret kabs na tu musik i pinis.

Boi kirap na baim bas fe na laik kalap go daun, tasol olgeta manmeri long bas i wok long lukluk strong long em na pasim nus wantaim.

Na nau em i tingim olsem, em i gat MP3 long yau bilong em na i no musik bilong bas.

DT GEREHU 3B

BLAK BOKIS...

Kanage em wanpela kon man na em i wok long stori long ol pikinini long ples KarKar. Tasol olgeta pikinini i save laikim ol stori bilong em bikos sampela taim em i save fani nogut tru. Dispela taim nau em i wok long stori long wanpela blak bebi wantaim Jisas.

Em i tok, Jisas i wokim wanpela blek bebi na tu em i wokim tupela wing bilong pisin tu long bebi.

Bebi i amamas nogut tru na bipo em i laik kam daun long graun em i askim Jisas olsem, "Bos, yu mekim mi gut tru na givim tu tupela wing long flai. Em i min olsem mi wanpela blak ensel bilong yu a?"

Nau Kanage tok Jisas i lap na bekim toktok bilong bebi olsem.

"O plis niga. Maskim amamas nating yu em blak bokis ya."

JORDON GEREHU

ELEPEN NA RAT...

Kanage em bilong Afrika. Olgeta lain Afrika i save lukautim ol kain kain enimal. Na I tambu long kilim enimal bilong narapela wanples.

Kanage gat wanpela elepen. Tasol wanpela taim nau, elepen i dai.

Em i wari nogut tru na em askim sif bilong ples long bungim ol biklain na askim husat kilim elepen bilong Kanage.

Nait nau olgeta i bung tasol olgeta no gat save husat kilim elepen bilong Kanage. Tasol wanpela lapun man kirap isi tasol na tokim ol.

"Mi lukautim rat bilong mi klostu 5-pela mun nau na em i tokim mi olsem em i gat bel. Long bik moning rat i go lukim elepen bilong yu, Kanage na tokim em olsem, EM I PAPA BILONG BEBI.

KOKO GEREHU

Ol skwat!

Salim ol gutpela Kanage tok pilai i kam long:
Kanage Tok Pilai
P.O. Box 1982, Boroko, NCD Port Moresby.
Email: jwilson@wantok.com.pg

Ol raun nabaut poto



STRETIM LERON HAIWE: Ol wokman i putim ol kalvet long Leron Bris, namel long Morobe na Hailans Haiwe we bikpela ren i wok long pondaun long olgeta hap bilong kantri i kamapim bagarap. Projek long stretim ol rot na bris em Trensport Sektorel Program bilong Australia we i helpim PNG long ol infrastraksa dvelopmen i mekim. *Poto: TSP Midia*



KATIM WELKAM KEK: Katim kek long taim bilong lonsim 2015 wokplen bilong Nesenel Risets Institut (NRI) na tu, welkamim ol nupela woklain. *Poto: NRI Midia*



TOK PISIN NEWS

from Radio Australia

radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service	
6am - 7am	6080; 7240(KHZ)
7pm - 9pm	5995; 6020; 9710; 1280(KHZ)



BAGARAP: Dispela poto i soim bikpela bagarap Saiklon Pam i kamapim long Vanuatu long wiken. Poto: ABC

Vanuatu i kisim bikpela bagarap

Vanuatu Nesenel Disasta Menesmen Opis (NDMO) i tok ol i wok long helpim ol pipel bilong kantri bihain long Saiklon Pam i kamapim bikpela bagarap long kantri long wiken.

Mishaël Garae Lulu, media liaison opisa bilong NDMO i mekim dispela toktok taim gavman na ol Aid ejensi i wok bung bilong helpim ol pipel wantaim sampela sevis.

Ol i tok Saiklon Pam i bin makim strong olsem Kategori 5 Stom i bin kamapim wanpela bikpela taim nogut em ol i no bin lukim bipo long kantri.

Saiklon Pam i bin bagarapim planti kaikai gaden, bagarapim tu ol telepon lain namel long ol Provins na Efate we Port Vila i stap long en, tasol ol dispela sevis i wok long kamap gut isi isi nau.

Mista Lulu i tok ol i save olsem 30 pipel i stap nau long haus sik long Port Vila na 6-pela pipel i bin dai.

Gavman bilong Vanuatu i putim wanpela stet ov imejensi long Shefa province we biktaun Port Vila i stap long en.

Minista bilong Lens Ralph Regenvanu i tok dispela stet ov imejensi i stap tasol long Shefa provins bikos ol i no save yet long ol bagarap i kamap long ol narapela provins.

Solomon Ailan i sekap long ol bagarap

Ol disasta na imejensi atoriti long Solomon Ailan i wok long painimaut nau wanem kain bagarap tru Tropikel Saiklon Pam ibin kamapim long kantri last wik.

ABC ripot i tok Solomon Ailan i wok long painimaut long ol bagarap Saiklon Pam i bin kamapim.

Wanpela ripot i tok olsem Saiklon Pam i bin kilim dai wanpela man na sampela pipel i bin kisim bagarap.

George Baragamu Sif Operesens Opisa bilong Solomon Ailan Nesenel Disasta Menesmen Opis i tok dispela man bilong Sentral Provins i bin dai taim diwai kokonas i bin pundaun antap long em.

Em i tok bikpela hevi moa i bin kamap long ol auta ailan bilong Temotu Provins i stap klostu long Vanuatu.

Mista Baragamu i tok wanpela Australian Difens Fos Orion balus i bin flai long wiken na i lukim olsem Anuta ailan nau i bagarap

olgeta. Tasol em i tok ol i no inap toktok yet wantaim ol pipel long dispela ailan i kam inap nau.

Pasifik bai promotim tuna olsem kaikai long rijon

Ol ailan kantri long Pasifik i wanbel long promotim tuna pis i ken kamap bikpela moa olsem kaikai bilong ol pipel long rijon yet.

Dairekta bilong Fiseri, Akuakalsa na Marin Ekosistems Division long SPC Moses Amos i toktok wantaim ABC long dispela.

Em i tok ol pipel bilong Pasifik nau bai kisim na yusim tuna pis long strongim fud sekyuriti bilong ol bihainim wanpela tingting bilong Seketeriet bilong Pasifik Komyunit (SPC).

Ol i bin tokaut long dispela tingting long wik i go pinis bihain long bikpela miting ol lida bilong fiseri i bin stap long en long Noumea, Nu Kaledonia.

I kam inap nau, ol Pasifik kantri i save salim ol tuna i go long ol narapela kantri long kisim mani bilong helpim ikonomi bilong ol, tasol dispela bai senis aninit long dispela nupela tingting bilong SPC.

Seketeriet bilong Pasifik Komyunit i tok bai ol i apim ol wok bilong yusim o kain masin em ol i kolim Fish Aggregating Device (FAD) bilong helpim ol lokal pipel i save kisim planti tuna long solwara.

Oposisen tok PNG gavman i mas lusim wok

Memba bilong Bulolo na deputi oposisen lida Sam Basil i askim Gavana Jeneral long rausim gavman bilong Praim Minista Peter O'Neill sapos 30 o 40 pesen long ol gavman memba i kamap long Lidasip Traibunal bihain long sampela asua.

Sam Basil i askim tu ol bek bensa bilong gavman long joinim oposisen na rausim Peter O'Neill na gavman bilong en.

Em i mekim dispela toktok bihain long Ombudsman Komisin i salim 10-pela gavman memba na minista long kamap long Lidasip Traibunal long sampela asua long wok bilong ol.

Tripela i stap nau long kalabus, taim ol narapela olsem Peter O'Neill yet, Ben Micah Minista bilong Pablik Entaprais na



Dokta Tarcicius Tara Kabutaulaka i sutim tok long Australia na Nu Silan i spai long PNG.

State Invesmen, Delilah Gore Minista bilong Yut na Komyuniti Dvelopmen na Minista bilong Pablik Sevis, Sir Puka Temu nau bai kamap long LidasipTraibunal.

Em sampla tasol long ol memba bilong gavman em Ombudsman i tok ol i mas kamap long Lidasip Traibunal.

Vanuatu i kisim taim

Saiklon Pam i bin kamap long Noten Vanuatu na i bringim bikpela ren na ol strongpela win na hamaim ol ailan bilong Penama provins long wiken.

Lain bilong Vanuatu meteorolojikal sevis i wok long mekim ol tok lukaut olsem cyclone Pam bai bringim ol strongpela win na ol bikpela ren, i bin bagarapim ol gaden kaikai, na rausim planti diwai long Ambae long Penama provins.

Opis bilong meteorologi i tok olsem strong bilong Saiklon Pam i kamap long kategori 5 pastaim em i ran i go long Fiji.

Densley Tari wanpela opisa bilong Red Cross long Ambae ailan long Penama provins i toktok wantaim ABC long ol bagarap i bin kamap.

Long Port Vila, biktaun bilong kantri, ol lain bilong Nesenel Disasta Menesmen Opis (NDMO) i stat pinis long helpim ol pipel i stap klostu long ol ples taim wara i kamap. Peter Korisa man i go pas long operesens long NDMO ol i yusim sampela skul olsem ol kea senta.

Australia na Nu Silan spai long Pasifik

Wanpela Politikal Ikonomist bilong Pasifik rijon i tok em i sori long lukim Nu Silan i save mekim ol wok bilong spai long ol Pasifik Ailan kantri.

Dr Tarcicius Tara Kabutaulaka Asosiet Profesa long Yunivesiti bilong Hawai i tok ol Pasifik ailan kantri i save lukim Nu Silan olsem brata bilong ol.

Dr Tarcisius Tara Kabutaulaka, i mekim dispela toktok bihain long ol ripot i kamap olsem Australia na Nu Silan i wok long spai long planti Pasifik kantri.

Ol dispela ripot i tok ol wok spa i bin karamapim ol kantri olsem, Fiji, Papua Niugini, Solomon Ailan, Nauru, Samoa, Vanuatu, Kiribati, Nu Kaledonia, Tonga na

Frens Polinesia.

Ol i tok tu olsem Australia na Nu Silan i save givim ol dispela infomesen i go long ol narapela kantri olsem Amerika.

Dr Kabutaulaka i tok em i kirap nogut long dispela, na em i sori tu.

Tupela Australia na Nu Silan man i mas sanap long PNG kot

Wanpela lida bilong Manus provins i tok tupela bosman bipo long asailam ditensen senta long Manus i mas go bek na sanap long kot bihain long indai bilong Reza Barati.

Memba bilong Manus Open, Ronnie Knight i tok em i laik tupela man Australia na Nu Silan i mas sanap long kot bihain long indai bilong Reza Barati.

Mista Berati husat i bin kam long Iran i bin dai long bikpela pait long ditensen senta long Manus long mun Februeri 2014.

Mista Knight i mekim dispela toktok bihain long kot long Manus i bin skruim kot keis bilong tupela man bilong PNG em ol i sutim tok long tupela long kilim Mista Berati.

Dispela tupela man Louie Efi na Joshua Kaluvia bai kamap long kot long wik i go pinis, tasol ol i senisim long wanem ol i no gat loya long sanap makim tupela long kot.

Tasol Mista Knight i tokim Radio Australia olsem, tupela man bilong Australia na Nu Silan i bin stap tu long dispela asua na ol i mas kamap long kot.

Bikpela ren i no bagarapim wok redi bilong Pasifik Gems

Bikpela ren long Pot Mosbi i no kamapim hevi long wok bilong pinisim ol ples pilai bilong Pasifik Gems.

Dave Conn memba bilong Gemes Ogenaisng Komiti na Presiden bilong Pot Mosbi Semba ov Komes

mekim dispela toktok bihain long Radio Australia i askim sapos bikpela ren i stopim wok long sampla ples bilong pilai.

Papua Niugini, wankain olsem Fiji, Solomon Ailan na Vanuatu nau i wok long lukim planti ren, win na taim nogut long Saiklon Pam na Saiklon Nathan em i stap klostu long Noten Australia.

Credit Corp i mekim K82m profit

CREDIT Corporation (PNG) Limited (Credit Copr) grip i tokaut olsem em i mekim K82.5 milien profit long yia 2014 maski PNG i gat sampela iekonomik salens.

Siaman Garth Mcllwain i tokaut long long dispela las wik.

Dispela i lukim winmani bilong kompani pundaun long taim kantri i bungim ol salens olsem wok bilong LNG konstraksen i pinis, ol wok maining i kam daun na ol prais bilong egrikalsa komoditi long wol maket i pundaun.

Mista Mcllwain i tok kompani i wok hat long sanap strong wantaim ol dispela salens na lukim fainensel stetmen i soim intenel akaunting stended i mekim K24.52 milien long 2014 bihain long olgeta takis.

Em i tok kompani i luksave olsem K14.02 milien em bilong invesmen bilong grup long ol propeti dispela i pundaun long mani mak bilong K7.98 milien go daun long K7.14 milien long veliu bilong BSP sea long Pot Mosbi stok eksens, we kompani bin bukim K32.94 milien.

Mista Mcllwain i tok aset bilong kompani i stap long K1,067.308 milien long pinis bilong yia, em i go antap liklik long K1.042.331 milien long 2013.

Total seholda ekuiti long pinis bilong yia 2014 em K719.21 milien, em i kam daun liklik tasol. Long yia 2013 bin stap long K736.98 milien. Dispela i kamap bihain long kompani i baim dividen long K41.23 milien i go long ol seaholda long Ogas 2014 long 13 toea long wan wan sea.

Dispela em 8.00 pesen moa long mani mak bilong K38.18 milien we kompani i baim ol sea holda long Ogas 2013 long 12 toea long wan wan sea.

Mista Mcllwain i tok lukluk het long long 2015 i gat planti gutpela rot bilong bisnis i stap wantaim ol bikipela salens.

Em i tok bot i lukluk long wok hat long daunim ol dispela salens long lukim kompani i mekim gutpela winmani long 2015.

Siaman i tok strongpela likuiditi na na kepitol invesmmen em i bikipela lukluk bilong ol sabsideri bilong kompani long wok hat long Credit Corp i kamap strong long bisnis namel long ol lokal kopresen long Saut Pasifik.

InterOil lukim gutpela risal long 2014

INTEROIL Kopresen long 2014 risal i tokaut long kompani i mekim \$US 290 milien moa long K600 milien profit na i gat likuiditi i ol aset bilong kes mani long \$US 715milien o moa long K1.5 bilien long mekim wok long namba tu LNG projek long Elk Entelop long Galp provins.

Moa long en, kompani i tok em gat 5-pela eria bilong wok em i ausait long Elk-Antelpoe we i gat 17 trilien kubik fit bilong ges we em i bikipela risos bilong ges developmen.

Sif Ekseketiv Opisa Dokta Michael Hession i tok kompani i gat bikipela strong long developim namba tu LNG gas long Elk- Antelop na em i bikipela ges wantaim liklik kos bilong wokim insait long wol.

Winmani bihain long olgeta takis long 2014 em K605 milien. Long 2013 winmani bilong kompani bin pundaun long \$US 40.4 milien o moa long K84 milien.

Winmani bilong kompani i go antap bihain long kompani i kisim mani long PRL 15 long Total na tu long Puma Energy taim em i salim rifaineri na daunstrim bisnis long Puma Energy Pacific Holding Limited.

Long Jun 30, 2014 InterOil i salim rifaineri na distribusen bisnis i go long Puma Energy long \$525.6 milien, long dispela sels em i kisim \$49.5 milien moa long invesmen em i mekim.

InterOil i tok em i salim PRL 15 i go long Total kompani

Mangape i laik salensim Barrick long kot

Stanley Nondol i raitim

OPERETA bilong Porgera Gol Maini long Enga provins, Barrick Gol Koporesen i bekim tok long komple bilong papagraun long kompani i no baim kompenseen long ol bagarap ol i kisim long nem bilong gol main.

Tasol Memba bilong Porgera Nixon Mangape i tokim papagraun olsem em bai salensim long bikipela kot long graun.

Barrick long wanpela stetmen long las wik i tok ol komple bilong papgraun i no gat as aninit long lo bilong kantri na komple bilong ol k klia long ai bilong PNG gavman na ol stekholda na ol arapela patna bilong developmen bilong main.

Barrick i tok PNG gavman long opis bilong Stet Solisita i tok klia long wanpela pas i go long ol papagraun olsem kompensen kleim bilong ol i no gat ligel

merit o i no gat gutpela as aninit long lo bilong kantri.

Mausman bilong kompani i tok ol papagraun i wokim kompensen kleim i no gat gutpela as. Em i tok Barrick i redi na i laik long toktok wantaim husat i gat bel hevi wantaim kompani wantaim ol stekholda bilong Porgera Join Vensa.

Barrick i tok em i bihainim maus bilong gavman long bihainim stretpela rot aninit long lo bilong kantri na i laik toktok wantaim ol papagraun o husat i gat komple long kamap wantaim stretpela rot aninit long lo long stretim hevi.

Barrick Niugini Limited i operetim Porgera Gol Main long Enga provins

Long wankain taim memba bilong Porgera, Nixon Mangape las mun long palamen i tok ol ppel bilong Porgera i kisim bagarap long las 25 yia long nem bilong gol main tasol wanem taim bai

Barrick i baim ol kompensesen.

Mista Mangape tu i tok Barrick i laik salim 95 pesen bilong main i go aut long narapela kompani tasol ol papagraun i no klia long dispela. Na i tok husat tru bai baim kompensen sapos nupela kamapni i tekova long Porgera Gol main.

I gat bilip olsem Barrick wantaim wanpela Gol main kompani long Hailans i pinisim ol toktok pinis na dispela kampani bai tekova klostu.

Mista Mangape i tokim ol papgraun las wik olsem em bai salensim long bikipela kot long kantri na ovasis bikos Barrick i no baim ol kompensesen na i laik salim gol main wantaim no gat tok save.

Barrick i tok i no gat nid long papagraun bai save sapos ol i laik salim main. Mista Managape i tok ol pipel i no longlong bilong divelopa na gavman na i tok em i gat inap mani long pait inap las disisen.

Soklet Faktori bai kamap long Wewak

NESENEL gavman na wanpela soklet kompani long Yurop bai wokim wanpela fisibiliti stadi long putim soklet faktori long Wewak, Is Sepik provins. Bai ol i yusim ol kakao bilong kantri yet long wokim soklet na salim long kantri na i go long ol ovasis kantri tu.

Minista bilong Tred, Komes na Indastri, Richard Maru long las wik i bung wantaim Menesing Dairekta bilong kompani, Belgium Famous Chocolate, Marc Pauwel. Em i bin kisim wanpela tim bilong Yurop i kam long PNG long toktok long ol invesmen long kantri.

Minista Maru i makim maus bilong gavman bilong PNG na em i tok em i amamas na i givim tok orait long kamap patna wantaim dispela kompani long kamapim fisibiliti stadi long neks mun long putim soklet faktori long Wewak.

Stadi long dispela projek bai painimaut long putim kakao sid na neseri long planim kakao long graun we kompani bai papa long en na sanapim faktori long wokim kakao na tu bai baim kakao long ol asples i ken salim kakao long faktori na mekim mani.

Gavman bai putim 50 pesen bilong mani long kamapim fisibiliti stadi. Projek bai kamap long Wewak bikos provins i gat rekot long groim moa long 16 tan kakao long wan wan yia.

Minista Maru i tokim dispela soklet kompani olsem Papua Niugini i save groim bikipela hai kwaliti kakao bin na kantri nau bai no inap salim kakao bin i go long ol ausait kantri. Em i tok bai i gat daun strim prosesing long kantri.

“Mipela lukluk long wokim fainel prodak bilong kakao indait long kantri,” Minista Maru i tok.

“Mipela i save kisim taim long prais bilong kakao long wol maket i pundaun. Mipela i no bikipela produsa bilong kakao long wol. Ol kakao fama bilong mipela bai salim kakao long hia taim faktori i sanap na ol i ken kisim mani,”

Em i tok nau em i taim bilong PNG sanap strong long tred na olgeta samting long kantri i no ken go aut na yumi yet i mas putim faktori na wokim samting hia na salim long wol maket.

Mista Pauwel i tok tim bilong em i kam lukluk raun long kantri long painimaut

sapot i gat sampela sans bilong mekim invesmen long PNG na laik save sapos ol i ken kamapim soklet bisnis long kantri.

Em i tok em i amamas long kisim tok orait bilong PNG gavman na i tok kampani i gat save, mani na eksperiens long soklet bisnis na bai wok bung wantaim PNG gavman long kamapim planti wok na apim ikonomi bilong kantri.

Mista Pauwel i tok kompani bilong em i ken mekim ol arapela samting olsem fetelaisa, ol sof drink bilong kakao vinegar.

Minista Maru i tok Wewak i got bikipela graun bilong gavman long planim kakao plantesen na sanapim faktori na em i klostu long Indonesia na em i rot i go long Esia.

Bihain long miting Minista Maru i raitim pas i go long dispela soklet kompani na i tok PNG gavman i redi long sapot mani bilong kamapim stadi na em i askim kompani long tok save long kos bilong stadi long wok bai stat neks mun.



Minista bilong Tred Richard Maru na ol investa bilong soklet faktori i miting long Pot Mosbi long las wik.

long 40.1275 pesen long mani mak bilong K401.3 milien . Dispela i karamapim Elk Entelop ges fil. Na kompani i holim bek. Tasol kamapni i tok em i holim bek 36.53 pesen bilong laisens.

Moa long en kompani i tokaut olsem kot namel long Total na InterOil long PRL 15 i pinis. Kampani i tok Intenesenel Semba bilong Komes Abitresen i rausim olgeta kleim bilong PAC LNG, kompani husat i afiliet long Oil Search Limited long ol sampela raits bilong Elk-Antelop.

Long Februeri 2015, ol Join Vensa kompani bilong PRL 15 i makim Total long operetim PRL 15 Join Vensa projek bilong Elk- Entelop.

Total wantaim helpim bilong PRL 15 Join Vensa i kamapim bikipela tim na wok long Elk-Entelop LNG developmen long 2014.

Dokta Heisson i tok kompani i implementim straksa senis long long 2014 na dispela i helpim long ranim bisnis gut na i sanapim strongpela faundesen long mekim moa wok bilong ges long Elk-Entelop na ol arapela eria long kantri.

Em i tok kompani i gat nupela menesmen tim, i bin stretim bot na lukim balens sit i kamap gut na operesen bilong projek i stap long gutpela mak long mekim moa winmani long 2015.

Digicel Play i kamap laip long Buka

DIGICEL Play i tok amamas long ol pipel bilong Buka long joinim ol arapela Papua Niugini husat i save kisim signal bilong Digicel Play.

Digicel i lonsim trensmisin long Buka long las wik Fraide na planti manmeri i baim Play Box long lukim TV Wan.

Ol pipel long Buka husait i baim Play Box i kisim signal bilong TV Wan fri long sanel 29 inap long tupela wik. Bi-ahin long en ol i ken baim pre paid-pekeg prodak.

Long Buka Digicel i salim ol Play Box long Haluma Tred-

ing, Bogenvil Komyunikesen Ltd, Jomik Treding, Island TV, Geema Trading na JJ Com.

Husat manmeri long PNG i baim Play Box bai go insait long dro long lukim SP Hunters gem long Kokopo. Wina bai kisim riten tiket bilong tupela wantaim K500 kes mani.

Prais bilong Digicel Play Box em K169 long wan wan.

Ol sampela senta kisim trensmisin bilong TV Wan em, Mt Hagen, Kokopo na Pot Mosbi.

OTDF putim baramundi pis go bek long Westen

AKUAKALSA projek long Daru Westen provins i lukluk long kisim moa wail Baramundi pis long dispela yia na lukautim long fam. Dispela plen i lukim Ok Tedi Developmen Faundesen i wok long go het na kisim moa Baramundi pis.

Ol i kisim moa long 35,000 liklik Baramundi na i redi long givim long ol pis fama na lukautim long fam bilong ol long Daru.

Dispela em wanpela bikipela projek OTDF i bin tekova long PNGSDP Akuakalsa projek na i lukim i kamap gut tru wantaim ol wokmani mekim ol wok long sapotim ol pis fama.

PNSDP i bin ranim dispela projek pastaim long nem Westen Provins Sastenebel Akuakalsa projek na OTDF i tekova na i mekim bikipela wok, na nau i gat bikipela planti baramundi i stap dispela projek long Westen provins.

Hetseri supavaisa bilong Daru na saveman long teknokel sait Efran Adie na narapela wanwok bilong em Jason Tiguru wantaim helpim bilong ol 10-pela wokman i wokim narapela ples bilong pis i ken putim kiau na karim planti liklik pis.

Moa long 35,000 liklik pis long sais namel long 20 na 60 milimita i redi nau long salim na givim go aut long ol pis fama o bai ol i lukautim long pis projek bilong OTDF.

Mista Adie i tok taim ol bebi

pis i gro kamap long 50 milimita em i redi long lusim ol yet i ken raun na kaikai long pis pon na gro bikipela.

"Dispela em wanpela bikipela bebi pis bisnis taim akuakalsa projek i stat aninit long PNGSDP. Mipela i amamas long Sif Eksekutiv Opisa bilong OTDF, Ian Middleton long helpim bilong em long lukim dispela projek i karim kaikai. Dispela namba wan projek i redi long salim na mipela bai mekim narapela long neks mun", Mista Adie i tok.

Nesenel Fiseries Atoriti i baim 10,000 bebi pis long dispela projek na bai ol i salim i go long Pot Mosbi long NFA bai lukautim long Sirinum Dem.

Sampela bilong ol bebi pis bai ol i salim go long Lake Mari long neks mun. Lake Mari em gutpela long baramundi i ken stap bihain long stadi i painimaut long 2013.

Mista Adie i tok namba bilong Baramandi i kam daun bikos bikipela namba ol fisamen i kisim na salim na putim na dispela projek bai putim bek bikipela namba bilong pis long Flai riva.

"Taim bikipela namba bilong pis i go bek long Flai riva, ol fama i ken go kisim long salim na kaikai. Long nau mipela lukluk long putim Baramundi go bek long apim namba long flai riva", Misa Adie i tok.

Wol benk ripot bai stretim wok bisnis long PNG

WOL BENK na Dipatmen bilong Fainens i tokaut long wanpela ripot we i gat rekomendesen long lukluk long stretim kopret fainens na ripoting sistem na oditing wok long Papua Niugini.

Dispela ripot i kamaut long las wik bihain long PNG gavman i askim long kamap wantaim sampela rot long stretim bisnis envairomen long kantri na long kamapim gutpela gavenens na akauntabiliti wok long ol kopresen na long ol Stet On Entaprais o bisnis bilong gavman.

Seketeri bilong Fainens, Dokta Ken Ngangan i tok stretpela, transperent na oditing wok em i namba wan praitori bilong Dipatmen bi-

long Fainens. Ol rikomendesen bilong dispela ripot bai helpim long stretim kwaliti bilong fainensel ripoting bilong bisnis envairomen na bai helpim wok bilong Fainens go long level bilong wol klas.

Dispela ripot ol i kolim, Ripot long Observens bilong Stended na Kods (ROSD) i painimaut olsem stretim kopret fainensel ripoting na oditing sistem bilong kantri bai helpim gut tru wok bilong praivet na pablik sekta, givim strong long ol ausait investa, apimm level bilong ikonomi na bai helpim PNG maket long gro long bihain taim.

Dispela ripot tu bai helpim PNG long putim ol winmnai bilong ol risos olsem oil,

ges, gol, kopa, na ol arapela long gutpela invesmen long helpim senisim laip bilong ol pipel bilong kantri.

Kantri menesa bilong Wol Benk PNG, Steffi Stallmeister i tok em i moa gutpela long yumi i gat gutpela kopret fainensel ripoting na oditing sistem long ol pipel i ken kisim sevis long ol winmani bilong ol risos bilong kantri. Em i tok ol rekomendesen bilong dispela ripot bai mekim isi long lokal na intenesenel bisnis long bihainim.

Dispela ripot i tokaut long sampela eria we i gat nid long stretim. Sampela bilong dispela eria em; sistem bilong fainensel ripoting i mas klia long olgeta bisnis i mas bihainim, stretim wok

bilong ol profesenel akauntan na stretim wok bilong pablik sekta we i save monetarim, enfosim kopret fainensel ripoting na oditing wok long kantri.

Ol sampela rekomendesen bilong dispela ripot em; -Stretim stended bilong fainensel ripot bilong SME

-Tok klia long wanem samting ol liklik na bikipela bisnis bai mekim long bihainim ripoting sistem long ol i ken save na bihainim.

-Stretim kwaliti bilong ol wok long pablik sekta long rot bilong mekim reviu long fainensel stetmen long bihainim ripoting sistem

-Sekim gavenens sistem bilong ol SOE o bisnis bilong gavman long ol i bihainim stretpela rot bilong fainensel ripoting.

Praim Minista em bos bilong SME

Stanley Nondol i raitim

PRAIM Minista em i bos bilong SME aninit long nupela SEM Kopresen Ekt we palamen i oraitim na aninit long dispela lo i rausim Smol Bisnis Developmen Kopresen o SBDC.

Minista bilong Tred Komes na Indastri, Richard Maru long dispela wik Tude i tokaut long dispela nupela lo i rausim SBDC na SME Kopresen bai go pas long olgeta SME bisnis. Siaman bilong SME Kaunsil nau em Praim Minista.

Minista Maru i tok long las 40 yia kantri i bin pundaun na moa long 90 pesen bilong SME bisnis em ol ausait kampani i bin ranim na PNG i bin kamap kago boi bilong ausait.

Mista Maru i tok tenkyu long palamen long sapotim bil na vot long kamapim lo na gavman i putim long nesenel geset long wok bai kirap.

Aninit long SEM kporesen, SME kaunsil bai go pas



Minista bilong Tred, Komes na Indastri, Richard Maru i toktok long ol nius lain long nupela SME kopresen long Pot Mosbi.

long ranim wok na Praim Minista em siaman, deputi siaman em Minista bilong Tred Komes na Indastri wantaim ol sampela gavman minista em ol memba bilong SME kaunsil. Ol arapela memba em BPNG gavana, siaman bilong Nesenel Developmen Benk, Siaman bilong Indijines Bisnis Kaunsil, preseden bilong Rurel Indastri Kaunsil, presiden bilong PNG Semba bilong Komes na presiden bilong PNG Kaunsil ov Wimen.

Nupela lo kisim ples bilong SBDC bikos i bin gat strongplea gavening straksa long helpim SME long gro.

Minista Maru i tok "Nau Praim Minista em yet bai kamap bos bilong SEM na sapotim ol liklik Papua Niugini manmeri long mekim bisnis na apim ikonomi bilong kantri. Sapos SME i go daun bai Praim Minista i tokim yumi long wanem as. Olsem na nupela lo i givim tok orait long bosman bilong kantri yet i kamap bos bilong

SEM,"

"Ikonomik i gro na SME sekta i gro em namba wan polisi bilong O'Neill Dion gavman. Em i tok gavman bai lukluk strong long sapotim SME sekta long gro bikos SME em i ki long sapotim ikonomi gro long sapotim kantri long bihainim taim."

SEM sekta bai kamapim 60 pesen bilong wok long kantri. Nau em 20 pesen tasol. Na i ken sapotim GDP long 50 pesen, nau em 10 pesen," Minista Maru i tok.

Minista Maru i tok lo bilong SEM i orait pinis na mipela bai makim ol gutpela wokman bilong SME Kopresen bot na ol bai edvetaisim posisen bilong eking menesing Dairekta long go pas long edministresen.

Dispela em bikipela samting long kantri na mi bai presentim nupela SME Polisi na SME Sekta Masta Plen 2015-200 i go long NEC na bai go long palamen long sindaun bilong palamen long mun Me.

SP HUNTERS
now on **tvwan**

Purchase a Digicel Play Box today K169
and get front row seats to all the action

WWW.TVWAN.COM.PG

available on
Digicel play



Wok redi bilong 2015 ER salens gohet long Madang

WOK REDI bilong 2015 Nesenel Maining Imejensi Rispons Salens i stat pinis wantaim wok sekim long ol ples we dispela kompetisen bai kamap long en long Madang taun.

Ramu NiCo Menesmen long namba wan taim tru long dispela yia bai go pas long lukautim dispela 2015 Nesenel ERT Salens na wok redi i go het nau long mekim dispela bikipela kompetisen i kamap gut long Madang.

Ol lain makim ol ogenaissa bilong 2015 nesenel ERT salens wantaim ol lain makim ol maining na petroleum kampani i bin go long Madang long Mas 6 long sekim ol ples na miting long stretim ples na redim ol progrem bilong dispela salens.

2015 Nesenel Maining Imejensi Rispons Salens bai kamap long Ogas 22 i go 25 long Madang taun. Na ol kompetisen bai kamap long tupela ples we ol komiti i makim em Divain Wod Yunivesiti (DWU) na PNG Maritaim Koles.

Namba wan nikel/kobalt developa long PNG, Ramu NiCo Menesmen (MCC) bai lukautim salens bilong dispela yia na i wok klostu wantaim ol ogenaising komiti bilong Sif Inspekta ov Mains na Mineral Risoses Atoriti (MRA) long redim ol progrem bilong ERT salens bilong dispela yia (2015).

Dispela I bai givim bikipela sans tu long ol pipol bilong Madang taun bai I gat sans long lukim namba 5 salens bihain long namba wan salens we I bin kamap long March 26 igo 27, yia 2011 long Lae.

Insait long namba wan miting bilong ol we i bin kamap long Opere-sen Bes na Ofis bilong Ramu NiCo long Madang, ol lain ofisal i toktok long sampela ol wok redi na tu ol ples we dispela salens o kompetisen bai kamap long mun Ogas.

Ol lain opisal long miting i pasim tok olsem insait long 2015 ERT Salens, bai i gat kompetisen long 7-pela eria. Ol dispela salens em long tiri o raitim ol bekim long kwesten yusim tingting, namba tu em kilim indai paia lait, sets na reskiu, endurens, helpim antap long bilding, hazat menesmen na malti kesualiti.

Nesenel imejensi rispons salens i save givim sans long ol wan wan tim bilong ol maining kampani insait long PNG long soim save na skils bilong ol long wok wantaim ol ikwipmen o samting ol i gat long taim birua i painim ol. Moa long en tu em i save testim ol long soim



1. Ol lain ofisal bilong ol arapela main long kantri i sekim ol fasiliti long PNG Maritaim Koles long Madang.
2. ERT tim bilong Ramu NiCo long Basamuk Rifaineri i redim ol yet long Nesenel ERT salens.
3. Rot long kilim indai paia long taim bilong imejensi.
4. Ol ERT ofisal bilong ol arapela maining kampani i miting long Ramu NiCo Madang bes.

skills bilong ol na tu lainim long wanpela arapela ol rot long helpim wanpela arapela long taim bilong birua.

Dispela nesenel ER Salens I bai givim ol tim sans long lainim na tu developim na strongim ol yet long abrusim birua na tu was long ol birua we i ken kamap long ol long taim nogut. Moa long en tu dispela salen i ken bringim ol long save na lainim ol nupela rot long abrusim ol birua yusim ol nupela imejensi

salens teknik o save nau i kamap.

Ol ofisal bilong ol maining na petroleum kampani husat i bin go long Madang long lukim ol eria we kompetisen bai kamap em long Oil Search Limited, Morobe Mining Joint Venture, Newcrest, Petromin, Fire Rescue South Australia na Mineral Risoses Atoriti (MRA).

Dispela miting i tokaut tu long ol namba wan spona o kampani husat i givim helpim o sapot long 2015 ER Salens. Long nau yet ol

spona em Dunlop Tyres (PNG), Newcastle Rescue (Australia), Icom Radios (PNG), Red Earth (Australia), Falck (Australia), Protector Allsafe (Australia) na Fire Rescue South Australia (Australia).

Ramu NiCo Menesmen (MCC) i go pas long bringim ol lain opisa i go long PNG Maritaim Koles na DWU long soim ol long ol eria o ples we kompetisen bilong 2015 ER Salens bai kamap.

Ol lain ofisal na komiti bilong redim 2015 ERT Salens progrem

long Madang i amamas long ol risoses na ples long Madang na tu amamas long sapot Ramu NiCo Menesmen i givim long soim ol raun lukim ples we 2015 Salens bai i kamap.

Ramu NiCo (MCC) i amamas tru long lukautim 2015 Salens long naispela ples long Madang long namba wan taim tru na tok tenkyu long Sif Inspekta bilong Main long givim dispel sans long Ramu NiCo long go pas.

Wok kirap long K26 milien Madang taun maket

James G. Kila i raitim

OL PIPEL bilong Madang provins bai lukim nupela kain stail maket i kirap namel long taun taim wok i pinis long dispela K26 milien nupela fiseris maket.

Dispela nupela taun maket projek em gavman bilong Japan i givim mani helpim aninit long Japan Intanesenel Kopresen Ejensi (JICA) wantaim helpim mani i kam long Nesenel Fiseris Atoriti (NFA).

Mani mak bilong dispela nupela Madang taun kaikai na pis maket em K26 milien, we K2 milien em NFA i givim long helpim wok.

Wanpela kontraksen kampani bilong Japan yet Dai Nippon Konstraksen bai go pas long wokim ol haus na ol samting insait long dispela nupela maket.

Wanpela seremoni i bin kamap long dispela wik Mande we i lukim ol bikman bilong JICA,

Nesenel Fiseris Atoriti (NFA na Madang provinsal gavman

i bung long putim mak long graun long wok bai stat.

Siaman bilong Nesenel Fiseris Atoriti (NFA), Job Pomat i tok dispela nupela maket bai narakain moa na gutpela tru bikos maket bai gat wanpela liklik bris arere long en we ol lain bilong ples na ol ailan na komyuniti bai bringim pis i go salim.

Antap long en tu, bai i gat ples bilong wokim ais i stap long mekim ol pis i stap orait. Bai i gat wara saplai na toilet eria na ples bilong rausim ol pipia.

Dispela projek JICA wantaim NFA i putim mani sapot long wokim em namba tu kain projek olsem insait long kantri. Namba wan maket developmen projek em long Wewak, Is Sepik provins.

Mausman bilong JICA, Shigeru Sugiyama i tok JICA i laik lukim gutpela menesmen i kamap long lukautim wok bilong nupela maket ya taim wok i pinis.

Mista Sugiyama i tok plen bilong dispela maket em gutpela stret na bai lukim gutpela ples bilong ol mama i sindaun na

salim kaikai, eria bilong kisim fi bilong maket, gutpela sekyuriti na ol arapela samting.

Em i tok dispela nupela maket bai i gat spes inap long lukautim moa long 700 lain i go salim ol kaikai bilong ol.

Dispela maket bai gat tu gutpela edministresin eria na ples bilong ol manmeri putim gut ol pipia.

Gavana bilong Madang, Jim Kas i tok dispela projek em wanpela bikpela developmen bilong ol pipel bilong Madang na em i tok tenkyu i go long gavman bilong Japan long dispela helpim.

Mista Kas i tok Madang taun maket em namba wan bikpela maket i save lukim manmeri bilong rurel eria na tu ol arapela provins i go salim kaikai long hap bikos i gat rot we i go insait long taun.

Em i tok Madang provinsal gavman i gat plen long kirapim narapela tupela o tripela maket insait long taun long sevim ol pipel bikos populesen bilong Madang i wok long kamap bikpela moa.



Ol manmeri i mangalim stret disain o plen bilong nupela maket.



Banis i raunim eria we nupela Madang taun maket bai kamap. Ol poto: James G. Kila

Literesi program i mas go long ol rurel eria

Ol literesi program i mas go long ol rurel eria long helpim planti fama husat i no save long rit na rait i strongim ol liklik egrikalsa na ol arapela liklik bisnis.

Rebecca Imbok husat i wok wantaim Niugini Strategies na Management Ltd i tok taim em i karimaut ol progam aninit long komyuniti developmen egrikalsa ekstensen sevis.

Em i tok planti rurel fama i no save long rit na rait we i ken helpim ol long ol liklik bisnis long egrikalsa eria.

Mis Imbok i tok planti fama long Nawaeb distrik long Morobe Provins i bin tok i no save long rit na rait na

dispela i kamapim hevi long sait bilong kamapim gut ol egrikalsa bisnis bilong ol.

Bihainim dispela, em i tok bikpela samting nau em long kisim literesi program na skul i go long ol rurel eria.

Em i tok long ol fama i go insait long fomol egrikalsa na laipstok, bisnis long ol rurel eria, ol fama i mas save long ol besik bilong rit na rait na ol i ken kisim ol not o ripot long tam i gat ol trening na ol woksop bilong ol fama long menesim na operetim ol fam bilong ol.

I gat 42 risos senta long lowa Watut na moa long 15 long Wain-Erap LLG eria.

Naturel risos menesmen long ol rurel komyuniti

AUSTRALIA i givim samting olsem AU\$2.9 milien long strongim wok na save bilong ol komyuniti long Manus Provins long ol salens bilong klaimet senis long lukautim na menesim ol bus, graun na ol naturel risos.



SIWAL: Bildim siwal long lukautim komyuniti long Andra Ailan.

Agmark Gurias i makim skwat

AGMARK Rabaul Gurias i tokaut long 28 man skwat bilong ol long stap insait long Digicel Kap resis long dispela yia.

Planti bilong dispela skwat em ol nupela mangi husat i stap insait long trening kemp bilong ol. Gurias tu i makim ol nupela kosa na trena bilong ol.

Nupela kosa Steven Nightingale i tok planti bilong ol pilaia bilong em ol nupela mangi tasol ol bai lukluk long ol olupela pilaia olsem kepten bilong ol Albert Patak long

lidim ol. Nightingale i tok 2015 em bai tes bilong ol yangpela mangi bilong em na em olsem nupela kosa na ol bai senisim kain stail pilai long taim pilai i go strong.

Agmark Gurias i bin mekim tupela wik trail pilai na ol makim 34 man na bihain ol katim i daun gen long 28 man nau i stap long tim.

Kosa Nightingale i tok, tim Gurias i lukluk long ol yia i kam bihain long ol mangi mas holim nem bilong Gurias long wanem

Gurias em namba wan tim insait long kantri. Em tok tu olsem tim Agmark Gurias i gat planti sapota wantaim ol pipel bilong Is Nu Briten.

Em tok tenkyu long ol spona bilong dispela olsem, Islands Petroleum, Davies, SP Brewery, ENBPG, Digicel, RMI, KVR, Garom, SAS, Coastal Shipping, Credit Corp, IBS Ltd, Anderson, KK Kingston, Pacific Industries, ENBPOL, Anitua, Kavieng Hotel, SVS, Kcentral na Esco.

Komyuniti spot i pinis na Gordons i stap isi

Gordons Tas ragbi i pinis nau tasol ol yangpela i wok long prektis pilai long strit na redi long nupela sisen i stat.

Planti bilong ol dispela pilaia em ol yangpela i stap long D gret na i go antap. Ol i no wari long lus long ol fainel gem.

Ol i redi nau long bungim gen ol arapaela tim long nupela sisen bilong 2015.

Ol lain Erima Magpies, Texas Knights, Kavora Dogs na ol arapela tim i bin amamas long gutpela

sisen bilong 2014/15 na ol i redi long bung gen.

Dispela tas ragbi gem long Gordons Polis Bareks pilai graun i gutpela program long mekim ol pikinini i stap fut na lainim pasin bilong pilai long tim na amamas long taim ol i win o long taim ol i lus. Em i pulim tu planti ol mamapapa i kam bung na mekim pren namel long ol yet.

Nau sisen i pinis tu bai i no gat moa bikpela nois na amamas singaut bilong ol sapota long dispela kona long Godons.



Ol sapota bilong Erima Magpies i sanap long saitlain na singaut i stap.



Ol Kavora Dogs i redi long go insait long ples bilong pilai.



Ol yangpela bilong Kavora Dogs i sindaun harim toktok bilong kosa.

Dika Toua i kamap embeseda bilong Bmobile-Vodafone

Esther Bralyn Wani i raitim

SEMPION bilong weit lifting, Dika Toua i kamap bren embeseda bilong Bmobile-Vodafone. Kampani i makim em bikos long pasin na bikpela laik bilong em long weit lifting.

Grup Sif Eksekutiv Opisa bilong Bmobile-Vodafone, Sundar Ramamurthy i tok Dika Toua i makim ol yangpela bilong tude husat i gat laik long mekim gut long laip.

Mista Ramamurthy i tok moa olsem bren promis bilong Vodafone "pawa long yu" i go gut wantaim Dika long yu wanem em i pawa haus na PNG i gat bikpela tingting long em long karim medol kam long kantri.

Long wankain taim, Dika Toua i tok, " Mi laik makim Bmobile-Vodafone bikos me ken mekim wankain long wanem samting ol i mekim



Dika Toua wantaim CEO bilong Bmobile-Vodafone, Sundar Ramamurthy long Bmobile het opis long Waigani, Pot Mosbi.

long PNG. Wankain olsem mi, ol i bilip long givim bek long kantri na mekim dispela kantri gutpela hap long stap."

Dika i tok moa olsem patnasip bilong em wantaim dispela bren bai i no inap helpim em long tren gut long spot, tasol em bai givim em sans long raun na toktok long ol pipel long PNG. Em i tok bai ol i stap gut long ol trening bilong em o long makim gutpela mobail netwok.

Dispela patnasip bai helpim Dika long makim Bmobile-Vodafone long ol bikpela iven na ol bikpela opening long tupela yia.

Dispela tok save i kam aut taim Bmobile-Vodafone i go bikpela wantaim 3G+ netwok long Pot Mosbi, Lae, Nadzab, Maunt Hagen, Wewak, Simberi, Lorengau na Lombrum.

GEMS Ogenaising Komiti (GOC) i tokaut long tiket prais na ol hap bilong pilai long Tunde, long Pot Mosbi.

I gat samting olsem 650 000 tiket i redi long salim long Mas 26 long ol sampela brens bilong Benk Saut Pasifik (BSP).

BSP em i opisel spona bilong Gems, na bai helpim long salim ol tiket long ol taun olsem Pot Mosbi, Lae, Wewak, Madang, Maunt Hagen, Goroka, Kokopo, Kimbe, Buka na Alotau.

Insait long Pot Mosbi brens bai ol salim long Taun, Haba Siti, Boroko, Waigani Draiv, Waigani, Visen Siti na Wata Fran. Insait long Lae bai ol i salim long Top Taun na Maket.

Sif Eksekutiv Opisa bilong GOC, Peter Stewart i tok Gems bai gat sampela ol namba wan pilaia i kam long PNG na ol laik givim sans long olgeta pipel long lukim na no ken lus tingting long en. Long dispela em i tok tiket prais inap long ol pipel long baim.

Long baim tiket ol pipel mas kisim tiket gaid long ol BSP brens ol i makim na pulmapim long baim tiket o ol i ken kisim long intanet.

Bai ol i salim tiket long liklik prais olsem K10 na long baim ol spots pekis em i mak long K20 i go antap long K150. Dispela em sapos wanpela i laik lukim gem long sampela de o lukim gem em i save laikim long planti de.

Long wankain taim ol pikinini aninit long 16 krismas i ken go fri na lukim gem. Sapos wanpela i baim tiket na em i les long go lukim gem em i ken givim tiket long pren bilong em.

Bai gat 28 spot long pilai insait long 16 de bilong kompetisen. Bai ol i pilai insait long 14 hap we 9-pela bai ol pipel i baim na go lukim.

Minista bilong Spots, Pasifik Gems na Nesenel Iven, Justin Tkatchenko, i tok dispela ren i no inap stopim Gem, em i blesing long mekim kantri i grin na luk gut.



Tenkyu James Tedesco long ol West Tiger i winim St George Illawarra 22-4

STRONGPELA pilai bilong James Tedesco i bin helpim Wests Tigers long winim St George Illawarra – 22-4 long Campbelltown Stedium.

Ol Tiger i bin resis strong na kilim gut tru ol Santu 20-0 bihain long 28 minit na tok tenkyu long pilai spit na ol strongpela han long kisim bal bilong Tedesco.

Yangpela fulbek i bin tromoim fainel pas i go long Kevin Naiqama 6 minit bihain tasol long pilai i stat, na em i ran i go long beklain na opim gem wantaim 8-0.

Klostu 12,000 sapota i bin lukim na amamas long ol Tiger i go pas long namba wan pilai wantaim 20-0 skoa.

Ol Dragon i bin mekim 198 takol taim ol Tigers i wokim 136 long

namba wan hap bilong pilai we representetiv pilaia, Aaron Woods i pilai klostu wantaim Tedesco na i go pas long ol Wests.

Ol visita i bin amamas liklik taim Dane Nielsen i bin putim trai na kisim i go 20-4 tupela minit pastaim long hap taim.

Tasol namba tu hap i no bin lukim senis tumas bikos ol Dragons i no mekim samting tumas na ol i wok long slek yet na ol i bin lus olsem long raun wan pilai lus i go long Mel-bon las wik.

Long wankain taim, ol Tigers i no bin pilai strong tumas long namba tu hap na wanpela penelti gol bilong Richards em i bin mekim long namba 74 minit.

George Rose, Trent Merrin na Mike Cooper em ol top pilaia bilong tasol kain pilai ol i putim i no luk gutpela long sisen ol i statim tasol

Prop bilong ol Tigers em Keith Galloway em ol i bin putim long ripot long taim ol pilaia bilong tupela tim i kles na Keith i bin putim han long Jack De Belin bilong Dragon.

Martin Kapow em fowed bilong Tigers i bin kisim taim taim Rory O'Brien i bin kikim em long skru bilong em long fainel minit. Em i lusim fil wantaim bagarap na i gat wari nogut em i no inap pilai long namba tri pilai bilong sisen egensim South Sydney long dispela Sande.

Ol i bin putim O'Brien long ripot long apim skru bilong em.



Namba wan NRL sisen win bilong ol Warriors we ol i winim Canberra Raiders 18-6

Ol Warriors i wokim namba wan win long NRL sisen taim ol i pait hat na win 18-6 long Canberra long Canberra Stedium.

Winga bilong ol Warriors, Manu Vatuvei, i bin skruim strongpela pilai egensim ol Raiders na em i putim namba 13 trai insait long namba 6 pilai egensim ol taim em i bin opim sko long namba 27 minit.

Na taim win i lukim ol i Warrior stat long gutpela mak long Warriors' 2015 kempen planti moa salens i stap long ol wik i kam.

Ol i bin putim Kepten Captain Simon Mannering long ripot bikos long hai takel em i wokim long winga bilong ol Raiders, Sisa Waqa hapwe long namba wan hap.

Ol Warriors i skoim pinis 50-plas

poin egensim ol Raiders, ol Canberra i wok long putim ai olsem wanpela pisin bai muv hariap long Johnson bikos ol i gat poin long bekim. Na taim ol i go daun, ol i bin swing o seksek na go na ol i bin stap long gutpela mak winim dispela bilong 2014. Kosa Ricky i bin amamas long pilai bilong ol na dispela i bin namba tu win bilog ol long sisen.

Long stat bilong pilai, Paul Vaughan i bin pilai strong tasol ol Warriors i bin givim ol mekim hariap wantaim senta, Solomon Kata husat i bin skorim namba wan NRL trai bilong em.

Ol bin riwodim Ryan Hoffman wantaim trai long strongpela pilai bilong em (172 metres, 24 takols, 19

hit-aps) long putim ol Warriors i go antap 18-6.

Namba wan hap bilong pilai i bin lukim pilai i strong long tupela sait, tasol tupela sait i bin gilti long laik hariap long gutpela fil posisen long brukim 6-6 skoa.

Pastaim winga bilong Storm, Waqa i soim olsem ol Raiders i no westim mani bilong ol long baim em, na i bin kisim skoa i go level wantaim bilong Mitch Cornish. Blake Austin i bin mekim sampela gutpela kik olsem ol hap brek taim Jack Wighton i bin go het long blokim oposisen tim long ful bek. Em i bin wokim tupela takol long sevim tim long namba wan hap na em i strong long pilai egensim ol long dispela nait.



Beau Scott i abrusim NRL saspensen bihainim hai sot bilong Johnathan Thurston

MAN bilong mekim samting i kamap bilong tim Newcastle em Beau Scott i abrus long i no pilai long ol NRL gem bihain long hai sot em i wokim i go long North Queensland top pilaia, Johnathan Thurston long Sarere.

Ol Cowboys i bin kros nogut tru long pilai nogut ol i wokim long sta pilaibilong ol long Sarere we ol Knights i bin win 16-14. Ol i bin putim Scott long ripot taim em i bin takolim long het na pundaunim Thurston.

NRL mets rivi komiti i bin putim Scott long gret wan denjeres o pilai no gut i ken kamapim birua pilai, tasol em i fri long pilai egensim Gold Coast long dispela wiken sapos em i hariap na tok em i gilti.

Bek rowa bilong Melbourne em Dale Finucane i ken stap long sailtain long wanpela sapos ol i painim em i gilti bihain long gret wan denjeres kontek sas bihainim salens long winga bilong Manly, Peta Hiku long Sarere.

Ol stori na poto i kam long ABC

Hamburg i winim resis long holim 2024 Olympic Games.

OL i kisim Hamburg pot siti olsem ples we kantri Jemani i makim long holim 2024 sama Olimpiks na i go pas long Berlin. Ol memba bilong German Olympic Sports Confederation's (DOSB) bai glasim na ske-lim ol samting na tokaut long fainel proposel bilong ol.

DOSB bot i bin makim Hamburg na i no Berlin we i bin hostim pilai long 1936, bihain long longpela miting na ol toktok we i painim olsem ol sitisen bilong Hamburg (64 pesen) i laikim pilai bai kamap long dispela siti na i no long Berlin we 55 pesen i laikim.

Tasol ol 33 top spot federesen long Jemani tu i bin laikim Hamburg long hostim dispela 2024 sama Olimpik Gems. Foapela federesen i bin vot long tupela siti wantaim.

DOSB siaman, Alfons Hoermann, i bin tokim ol ripota olsem ol saveman husat i bin givim sotpela ripot i go long bot bihain long presentesen i bin sapotim tu Hamburg long hostim ol pilai.

"Em i no bin isi long wokim disisen. Mi no inap tokaut long ol nem... tasol vot i bin bikipela samting, vot bilong ol federesen, na namba tri raun tebol diskasen o toktok bilong ol saveman," em i tok.

Ol memba bilong DOSB bai tokaut long fainel disisen long Mas 21.

Boston na Rome i lonsim ol siti we ol i laikim bai hostim dispela sama Olimpiks 2024 na sampela moa olsem Paris, Doha, Istanbul na Baku i stap olsem ol siti bai resis inap long las de, Septemba 15 .

Kriket Wol Kap: Ol West Indies i winim UAE long kwalifai long kwata fainel

Johnson Charles na Jonathan Carter i skoim ol hap senseri taim ol West Indies i kisim ples insait long Wol Kap kwata fainel taim ol i winim United Arab Emirates long McLean Pak long Napier, Nu Silan.

Ol West Indies i mas winim pilai long kisim sans long kwalifai long nokaut long Pool B na nau ol i wet long risal bilong pilai egensim Ireland-Pakistan pilai long Adelaide.

Wantaim Saiklon Pam long ol Pasifik Ailan i muv i go saut na ol i wetim bikipela ren bihain long Sande, ol West Indies i bin hariap long win na ol i mekim 4 long 176 insait long 30.3 ovas.

Dispela i kisim net ran reit ol i go antap long 0.042, we i

gutpela moa long Ireland na Pakistan we i ken kisim ol i go long namba 4 ples Pool B.

Tim we bai pinis long namba 4 ples bai pilai egensim Nu Silan long kwata fainel long Wellington.

Kepten bilong West Indies em Jason Holder na nupela bal patna, Jerome Taylor i bin putim faundesen pastaim long win taim ol brukim daun lain ap bilong UAE husat i bin redi long paia.

Holder i bin wokim 4-pela wicket na Taylor i putim tupela na ol i daunim UAE i go daun long 6 long 46 bipo Amjad Javed na Nasir Aziz i kombain long 107-patnasip ran na i apim sko bilong ol.

Holder i bin mekim Andri Berenger (7) na Krishan Chandran (0) i pas bihain long wicket na trepim Amjad Ali LBW long 5 we i lusim UAE long trabel wantaim long 17 long namba 6 ova.

Taylor i bin wokim tupela naispela swing i go long boul long Khurram Khan (5) na Shaiman Anwar (2) we i lukim asosiet nesen i go 5 long 26.

Swapnil Patil na Amjad Javed i bin stopim samting i go daunt aim Holder i kisim namba 4 wicket taim em i boul i go Patil long 6.

Javed (56) na Aziz (60), i bin mekim ol West Indies boula i wari taim ol i skorim meiden hap senseri na UAE i bin lus wantaim 175 long 47.4 ovas.

NITV bai kisim Pasifik Gems i go long ol pipel bilong Australia

... Kisim eksklusiv rait

OL PIPEL bilong Australia bai gat sans long lukim ol Pasifik Gems pilai bai kamap long Mosbi long mun Julai long dispela yia.

Dispela i bihain long brotkas kampani, National Indigenous Television (NITV) i kisim ol rait long 2015 Pasifik Gems, Gems Ogenaising Komiti (GOC) tokaut long dispela.

GOC i tok NITV i kamap wanpela long ol raits holda bilong 2015 Pasifik Gems na em bai gat Eksklusiv Brotkas Rait long Fri Ea terestriel brotkas long Australai aninit long NITV na SBS.

Ol narapela eksklusiv rait holda bilong brotkastim 2015 Pasifik Gems em long National Broadcasting Company bilong PNG – NBC Radio na Kundu 2, Click TV, EMTV, Solomon One News Limited, Fiji One TV, Fiji Broadcast Corporation, Vanuatu Television and Broadcast Corporation, Samoa Quality Broadcast Corporation, Cook Islands TV, France TV na Solomon Telekom Television Ltd.

Insait long tupela wik i kam, bai moa lain i sain long kamap ol rait holda.

GOC i tok tu olsem aninit long rait holda, NITV bai gat Non Eksklusiv Onlain Rait insait long Australia.

NITV em i wanpela TV sanel ol i mekim bilong ol Tores Streit Ailan pipel ol i bin statim long 2007, na em i wok long gro. Long Disemba 2012, ol i bin lonsim olsem hap bilong SBS long fri ea televisen, Sanel 34.

Wantaim dispela fri rait holda status we NITV i kisim, ol pipel bilong Australia na ol Pasifik Ailan lain i stap long Australia bai sindaun gut long ol haus bilong ol yet na lukim ol pilaia bilong ol Pasifik Ailan yangpela long Pasifik Gems.

Ol narapela Pasifik kantri bai lukim na harim ol brotkas bilong NITV aninit long satalait na dijital brotkas we SBS bai kamapim aninit long agrimen bilong ol.

GOC i tok aninit long agrimen, NITV bai wokim ol laip brotkas long opening na klosing seremoni, nae m bai karimaut progrem long 6-pela awa insait long wanpela de ol gem i stap.

Tu, ol biknem pastaim ragbi pilaia olsem Mark Ella na biknem



SAINIM: GOC CEO Peter Stewart na NITV Eksekutiv Produsa, Mark Ella, i sainim agrimen. *Poto: Pasifik Gems Midia*

spot ripota na brotkasta Evan Charlton bai wokim ol komentari bilong ol.

Eksekutiv Menesa bilong GOC, Clint Flood, i tok “long Australia bai kam insait long Pasifik Gems long 4-pela pilai na long NITV i kam insait i bikpela samting.

“Bai planti pipel i lukim ol brotkas bilong NITV na kontribusen bilong

Mark Ella na Evan Charlton bai kisim i go long narapela level long ol bikpela talen we bai kontribuit long brotkastim Gems,” Mista Flood i tok.

Em i tok moa olsem brotkas we NITV bai mekim i bikpela bikos em i namba wan brotkas stesen long Australia long kam insait long Pasifik Gems na tu, em bai kisim ol

Tores Streit Ailan asples pipel long konek long sait bilong kalsa wantaim ol pipel bilong PNG.

Long wankain taim, Presiden bilong Pasifik Gems Kaunsel, Vidhya Lakham, i tok welkam long NITV long kisim ol rait na go insait long dispela family na kisim ol brotkas na ripot i go aut long ol pipel long Australia na Pasifik.

Pasifik Gems pilai program klostu redi

BAI ol i pinisim ol progrem bilong 2015 Pasifik Gems bipo long pinis bilong dispela wik.

Dispela i bihainim namba tu bung bilong ol olgeta spot pilai ol

bai pilaim long Pasifik Gems ol i bin holim long las wik Fraide na Sarere long Mosbi.

Namba tu “All Sports” bung i bin lukim i kamap 28 teknikel lain i

makim Intenesenel Federesen long 28 spot pilai ol bai pilaim long Gems.

“Mipela inapim wanpela long ol taget mipela i bin gat long holim

dispela bung na dispela em long kamapim laspela level 2 spots progrem i gat ripot long taim ol wan wan spot bai kamap.

“Dispela level 2 spots kompetisen progrem bai helpim ol narapela eria long Gems Ogenaising Komiti (GOC) olsem ketering o redim ol kaikai, sekyuriti, trenspot, lojistiks na akomodesen o ples bilong slip long redim ol wok na taim bilong givim ol wan wan sevis bilong ol, ol ikwipmen na ol woklain ol bai laikim insait long wan wan de long ol wan wan pilai na long ol wan wan hap bai pilai i kamap long en,” Ian Livera em GOC Spots Menesa i tok.

GOC i bin wokim apdet long plening na wok redi ol i gat inap nau i go long ol Gems i go long ol teknikel deleget.

Ol lain i bin sindaun long woksop i bin gat long en ol teknikel opisa, ol spot volantia, teknikel manuel, kompetisen na trening lain, akomodesen, ketering, trenspot, akreditesen na mediakel.

Ol i bin kisim ol deleget i raun lukim ol ples bilong pilai ol i wok long stretim nau long Mosbi.

Sif Eksekutiv Opisa bilong GOC, Peter Steward, i tok dispela em i wanpela bikpela miting bikos em i helpim komiti long mekim ol wok redi long kamapim gutpela pilai.

Em i tok ol dispela teknikel deleget i gat bikpela wok long lukim olsem wan wan spot em inapim intenesenel stendet bilong ol rul.

Em i tok ol i sekim olgeta ajenda poin na lista long dispela bung nae m i amamas long gutpela bung i kamap.

“Ol dispela Gem bai kamapim gutpela piksa na dispela i kamap long ples klia taim yumi holim gutpela namba tu “All Spots” bung na mekim PNG i namba wan host kantri long Pasifik Gems teknikel deleget bung.

Bung i bin kisim ol deleget i go long Nesenel Palamen haus na dina we GOC i bin wokim.



Ol GOC woklain, ol spots menesa bilong PNG yet na ol spot teknisen i kam ovasis long fran bilong Palamen las wik.

Poto: GOC Midia

Gems i gat ol ambaseda

2015 PASIFIK Gems i gat 10-pela Gems Ambaseda, Gems Ogenaising Komiti (GOC) i tokaut long las wik.

GOC i tok as tingting long kamapim Gems Ambaseda Progrem em long givim pablik tok klia long ol wan wan spot ol ambaseda yet i makim long ain a save bilong ol long redim pipel long ol pilai na ol i ken amamas long go lukim taim ol pilai i kamap.

Siapesen bilong GOC, Emma Waiwai i tok ol pilai long dispela

yia i givim yumi sans long kisim skul wantaim ol 28 spot ol bai pilaim long Gems, na long save long ol etlit bilong yumi.

“Olsem hap bilong progrem bai kamapim sampela gutpela samting, mipela i bilip olsem taim ol Gem o pilai i pinis, ol pipel long PNG bai save gut long ol spot, amamas na go insait long ol pilai bihain. Em bai apim nem bilong spot,” Mis Waiwai i tok.

Mis Waiwai i tok ol ambaseda bai mekim bikpela wok long promotim ol wan wan pilai na

givim pablik save long ol wan wan spot na moa yet, promotim Pasifik Gems na papublik i ken klia.

GOC wantaim helpim bilong Atletiks Komisin i bin luksave long 10-pela atlit long ol wan wan spot long kamap ol Gems Ambaseda.

Foapela long ol ambaseda i bin stap long seremoni em Lois Garena long volibal, Vavine Tore long ragbi tas, Isikel Junia long sofball na Francis Kampaon long para-atletiks.

GEMS AMBASEDA: Hia em 4-pela long ol Gems Ambaseda i bin stap long tokaut seremoni. *Poto: Pasifik Gems Midia*



Ol wiken spot long poto

Ol poto: Nicky Bernard



SAIN I REDI: Em sain bilong Pot Mosbi bai kisim 2015 Pasifik Gems.



REDI PINIS: Ol wokman i stretim ollaspela liklik wok long ples bilong pilai Beach Volibal insait long bikpela stedium long Sir John Gais.



NUPELA YUNIFOM: KB Eels wantaim nupela yunifom bilong ol i sanap wantaim Menesing Dairekta bilong Jomowaki Guards Ltd, Joel Warrah we i sponsa bilong ol.



PENIM PES YA: Helen Kodana em dai hat Eels sapota bilong Gordon tas. Taim tim bilong em i go insait long gren fainal em i kisim kala pen na penim ol pes bilong ol liklik sapota bilong KB Eels long gren fainel las wik Sande.



FAINEL TAIM: Pilaia bilong Steelers B gret i ran wantaim bal taim pilai bilong Eriam Magpies i traim long tasim em long gren fainel pilai bilong ol long Gordons tas resis. Steelers i winim pilai.



STAP LONG WE: Straika bilong Pom FC i traim long banisim ful bek bilong Lae FC long NSL pilai long Mosbi. Pom FC i win 2-1.

TOKSAVE: Salim ol spots dro bilong yu kam long Feks; 325 2579, e-mel; sporwol@wantok.com.pg o kam lusim long Wantok Niuspepa opis long Able Building Complex long Central Waigani, NCD.

IMPROVED TASTE! Niupela teist wantaim planti mit na oil. Teistim na bai yu laikim moa yet.

DIANA

Tuna



**Emi tuna
bilong PNG**

PROUDLY
**PNG
MADE**

Manufactured by:



RD Tuna Canners Ltd.

Moa mit na
oil insait



**DIANA
Blu**

TUNA IN OIL

I LUK NOGUT TRU



NCDC na Sports Ministri i wok long mekim bikipela wok long klinim na stailim siti bilong yumi long redi long Pasifik Gems long mun Julai. Tasol sampela bilong ol pablik manmeri na pikinini i wok long bagarapim ol samting we ol wok man i putim.

Minista bilong Sports na Pasifik Gem Justin Tkatchenko i no amamas long sampela lain i spre penim long wanpela giaman swim man long raun about long 3mail long Mosbi.

Em i tok em bai givim K10,000 i go long husat manmeri i gat save long husat dispela man i spreim dispela samting.

Em i tok yumi laik apim nem bilong kantri na siti bilong yumi PNG na taim ol spot manmeri long Pasifik kam ol bai amamas long stap long siti bilong yumi.

Tkatchenko i tok ol polis i save pinis long dispela na ol bai mekim wok painimaut long husat tru i mekim dispela pasin nogut long spreim ol grafiti long ol pabik samting.

BAGARAPIM PINIS: Ol i bagarapim na spreim kain kain raiting o grafiti long dispela giaman man i soim piksa bilong man i swim long redi long Saut Pasifik Gems.

Stori na poto Nicky Bernard

Senisim long Sensi

**Next time you change your
baby, change to Sensi Diapers.**

Good Products, Better Prices, ikam long



Johnstons Pharmacies Ltd

P.O.Box 1066, Boroko, Papua New Guinea.

Tel +675 325 3185 Fax +675 325 0190 Email sales@johnstons.com.pg